

勅浙西觀察使

牒湖州

當州皎然禪師集

牒得集賢殿御書院牒前件集庫內無本
交關進奉牒使請速寫送院訖垂報者牒州寫
送使者故牒

貞元八年正月十日牒

都團練副使權判兼侍御史李元

使潤州刺史兼御史中丞王緯



吳興書士入林山集

吳興晝上人杼山集序

朝議郎大夫守湖州刺史于 頓撰

詩自風雅道息二百餘年而騷人作其旨愁思
其文婉麗亡楚之變風歟至西漢李陵蘇武始
全爲五言詩體源於風流於騷故多憂傷離遠
之情梁昭明所撰文選錄古詩十九首亡其名
氏觀其辭蓋東漢之世亦蘇李之流也洎建安
中王仲宣曹子建鼓其風晉世陸士衡潘安仁
揚其波王曹以氣勝潘陸以文尚氣勝者魏祖

興武功於二京已覆文尚者晉武亡帝圖於五
胡肇亂觀其人文興亡之跡人焉度哉人焉度
哉宋高祖平相立定江表文帝繼業五十年間
江左寧謐魏晉文章鬱然復興康樂侯謝靈運
獨步江南俯視潘陸其文炳而麗其氣逸而暢
驅風雷於江山變晴昏於洲渚煙雲以之慘淡
景氣爲其澄霽信江表之文英五言之麗則者
也迨于齊世宣城守謝玄暉亦得其辭調涵於
氣格不侔康樂矣梁陳已降雖作者不絕而五

言之道不勝其情矣有唐吳興開士釋皎然字清晝即康樂之十世孫得詩人之奧旨傳乃祖之菁華江南詞人莫不楷範極於緣情綺靡故辭多芳澤師古典制故律尚清壯其或發明玄理則深契真如又不可得而思議也貞元壬申歲余分刺吳興之明年集賢殿御書院有命徵其文集余遂採而編之得詩筆五百四十六首分爲十卷納於延閣書府上人以余嘗著詩述論前代之詩遂託余以集序辭不獲已略志其

變上人之植性清和稟質端懿中秘空寂外開方便妙言說於文字了心境於定惠又釋門之慈航智炬也余游方之內者何足以扣玄關謝氏世爲詩人豈佛書所爲習氣云爾

杼山集卷第一



吳興釋皎然清晝撰

五言奉酬于中丞使君郡齋臥病見示一首

宿昔祖師教了空無不可枯槁未死身理心寄
行坐仁公施春令和風來澤我生成一草木大
道無負荷論入空王室明月開心骨性起妙不
染心行寂無蹤若非禪中侶君爲雷次宗比聞
朝端名今貽郡齋作真思凝瑤瑟高情屬雲鶴

扶得驪龍珠光彩曜掌握若作詩中友君爲謝
康樂盤薄西山氣貯在君子衿澄澹秋水影用
爲字人心群物如見鷺游翔愛清深格居第一
品高步凌前躅精義究天人四坐聽不足伊昔
柳太守曾賞汀洲蘋如何五百年重見江南春
公每省往事詠歌懷昔辰以茲得高臥任物化
自淳還因訪禪隱知有雪山人

附郡齋臥疾贈畫上人

上人早名皎
然晚字畫

湖州刺史于頔

夙陪翰墨徒深論窮文格麗則風騷後然公我
詞客晚依方外友極理探精蹟胷合南北宗畫
公我禪伯光明性不染故我行貞白隨順令得
解故我言芳澤雪水漾清潄吳山橫碧岑含珠
復蘊玉價重雙南金的皦曜竒彩淒清流雅音
商聲發楚調調切諧瑤琴吳山爲我高雪水爲
我深萬景徒有象孤雲本無心衆木豈無聲椅
桐有清響衆耳豈不聆鍾期有真賞高潔古人
操素懷夙所仰覲君冰雪姿祛我滯滯想常吟

柳惲詩茗浦久相思逮此遠為郡蘋洲芳草衰
逢師年臘長值我病容羸共話無生理聊用契
心期

五言贈李中丞一首

李中丞洪

洪

深沉閩外略乘世當榮寄地裂大將封家傳介
珪瑞至今漳河俗猶受仁人賜公初鎮惟邢決
勝無精兵重圍逼大敵六月守孤城政用仁怒
立恩由賞罰明遂令麾下士感德不顧生于時
聞王師諸將兵頗瀆天子狩南漢煙塵滿函谷

純臣獨耿介下士多反覆明公仗忠節一言感
萬夫物性如蒺藜化作春蘭敷見說金被爍終
期玉有瑜移官萬里道君子情何如伊昔避事
心乃是方袍客頓了空王旨仍高致君策安知
七十年一朝值宗伯言如及清風醒然開我懷
宴息與游樂不將衣褐乖海底取明月鯨波不
可度上有巨蟒吞下有毒龍護一與吾師言乃
於中心悟吐吐冥冥子胡為自塵污

五言杼山禪居寄贈東溪吳處士馮

一首

青雲何潤澤下有賢人隱路入菱湖深跡與黃
鶴近野風歌白芷山月搖清軫詩祖吳叔庠致
君名不盡身當青山秀詩曰家住青山下青山
有吳筠故宅後改為吳
筠文體多郢聲澄澈湘水碧沈寥楚山青時人
格不同至今罕知名昔賢敦師友此道君獨行
既得廬霍趣乃高雷遠情別時春風多掃盡雪
山雪為君中夜起孤坐石上月悠然遺塵想邈
矣達性說故人不在茲幽桂惜未結

到君才
不盡

獨君行

鍾大靜曰五言妙喜寺高房期靈澈上人不至

靈澈領詩重招之一首

晨起峯頂心懷人望空碧掃雪開寺門灑水淨
僧席言笑形外阻風儀想中覲馳心驚葉動傾
耳聞泉滴豈慮吃虎逢乍疑崩湍隔前期或不
顧知爾隳常格如今誰山下秋霖步浙瀝吾亦
聊自得行禪荷輕策松聲暢幽情山意導遐跡
舉目無世人題詩足竒石貧山何所有持此邀
來客

知者五言奉吟翰員代詩觀成詩事衡

五言奉和薛員外詎贈湯評事衡反
招隱之跡兼見寄十二韻

喜友稱高儒曠懷美無度近為東田誘遂耽西
山趣庭有介隱心得無雲泉誤府公中司貴頻
貽咫尺素郡佐仙省高亦贈瓊瑤句誚茲長往
志紆彼獨遊步禪子方外期夢想山中路艱難
親稼穡晨夕苦煙霧曷若孟嘗門日榮國士遇
鏗鏘聆綺瑟攀折適瓊樹幽踐隨鹿麋久期怨
蟾兔情同不繫舟有跡道所惡

五言答黎士曹黎生前適越後之楚

楚木紛如麻高松自孤直願得苦寒枝與君比
顏色故鄉渺天末羈旅滄江隅委質在忠信苦
心無變渝何由表名義贈君金轆轤何以美知
才授我懸黎珠遽為千里別南風思越絕愛君
隨海鷗倚棹宿沙月不栖惡木上肯蹈巴蛇穴
台人表朝逆命一上蕭然峯擬蹤幽人轍晨興
故君不踐其土
獨西望郢水期泝沿夜到洞庭月秋經雲夢天
黎生知吾道此地不潜然欲寄楚人住學擊漁

子船柰何北風至攬我窓中絃遊子動歸思江
籬亦綿綿篋中封禪書欲獻無由緣豈乏晨風
翼翻飛到日邊

五言荅豆盧次方

吾愛道交論爲高貴世名昔稱柴桑令今聞豆
盧生彼生清淮氣獨鍾文中彩近作公讌詩如
逢何柳在吾用古人耳採君四坐珍賢士勝朝
暉温温無冬春朝暉爍我肌賢士清我神微爾
與雲鵠幽懷何由申別來秋風至獨坐楚山碧

高月當清冥禪心正寂歷增波徒相駭人遠情
不隔有書遺瓊什以代貂襜褕風教凌越絕聲
名掩吳趨懸壁安可酌徙倚還踟躕

五言荅蘇州常應物郎中

詩教殆淪缺庸音互相傾忽觀風騷韻會我夙
昔情蕩漾學海資鬱爲詩人英格將寒松高氣
與秋江清何必鄴中作可爲千載程受辭分虎
竹萬里臨江城到日掃煩政况今休瀆兵應於
禪家子林下寂無營跡隨叅世上華心得道中精

脫略文字累免爲外物嬰書衣流埃積硯石駭
鮮生恨未識君子空傳手中瓊安可誘我性始
願愆素誠爲無鷲鷲音繼公雲和笙吟之向禪
藪反媿幽松聲

五言答鄭方回

獨禪外念入中夜不成定顧我惟頽容澤君陽
春詠詞貞思且逸瓊彩何暉映如聆雲和音况
覩聲名盛琴語掩爲聲聞山心聲宜聽是時寒
光澈萬境澄以淨高秋日月清中氣天地正遠

情偶茲夕道用增寥曩思君處虛室一操不可
更時美城北徐家承谷口鄭軒車未有轍高蘭
且同徑莊生誠近名夫子罕言命是以耕楚田
曠然殊獨行萎蕤鸞鳳彩特達珪璋性通隱嘉
黃綺高儒重荀孟世污聲我未起道蹇吾猶病
逸翮思冥冥潛鱗樂游泳宗師許學外恨不逢
孔聖說詩迷頽靡偶俗傷趨競此道誰共詮因
君情欲罄

五言答俞校書冬夜

夜閑禪用精空界亦清迥子真仙曹吏好我如
宗炳一宿覲幽勝形清煩慮屏新聲殊激楚麗
句同歌郢遺此感予懷沉吟忘夕永月彩散瑤
碧示君禪中境真思在杳冥浮念寄形影遙得
四明心略四何須蹈岑嶺詩情聊作用空性惟
寂靜若許林下期看君辭簿領

五言妙喜寺達公禪齋寄李司直公
孫房都曹德裕從事方舟顏武康士
騁四十二韻

我祖傳六經精義思朝徹莊子曰守之九日而後能外生外生而後
徹朝方舟頗周覽逸書亦備閱墨家傷刻薄墨
理薄而不仁可以濟世儒氏知優劣弱植庶可彫苦
心未嘗輟中年慕仙術永願傳其訣歲駐若木
景日食瓊禾屑嬋娟羨門子斯語豈徒設天上
生白榆歲蕤信好折實可反柔顏花堪養玄髮
求之性分外業棄金亦竭藥化成白雲形彫辭
素穴素穴山名一聞西天旨初禪已無熱第四禪中
熱無三災之患放以為名今初消子非我宗然
禪即得蓋詩人羨已證超出常

公有真訣却尋丘壑趣始與纓紱別野飯敵膏
梁山楹代藻杭與君北巖侶遊寓日常映靜對
春谷泉晴披陽林雪境清覺神王道勝知機滅
詣寂長香冥忘歸暫采擷物生豈有心麗容俟
予別桂子何冀苓琪葩亦皎潔此木生意高亦
與衆芳列賞墨識屢換省躬悟彌切微尚若不
虧足以全吾節北風吹蕙帶蕭寥聞蜻蛚宿昔
廬峯期流芳已再歇不有清屏鑒使我商絃絕
願寄千里心月高不可掇優游邦之直遠矣踵

前烈立俗忘毀譽遇物遺巧拙真氣獨脩然軒
裳詎能繼都曹風韻整綱紀信明決於交必傾
寫立行豈矜伐政與清渭同分流自澄澈裴侯
資亮直中誠豈徒說古人比明義清士願交結
溫溫躬珪彩終始聲不缺顏生烟介士有志不
可越仗義冒險難持操去淄涅世論高二賢魯即
公猶賢賢繼前哲四子遭明盛衰然皆秀傑理
子也名雖殊迹悟道寧異轍愛爾竹柏姿為予寒折不
五言遙酬表使君高春暮行縣過報

德寺見懷

江春行求瘼偶與真境期見說三陵下前朝開
佛祠停舟仰麗刹繡組發香墀咫尺空界色天
人花落時盛游限羸疾悚踴瞻旌旗峯翠羨閑
步松聲入遙思素高淮陽理况負東山姿迨此
一登覽深情見新詩

五言冬日遙和盧使君幼平綦毋居

士游法華寺高頂臨湖亭

仁坊標絕境廉守躡高蹤天曉纔分刹風傳欲

同登

盡鍾城中歸路遠湖上碧山重水照千花界雲
開七葉峯寒空艾綬滿空翠白綸濃逸韻知難
繼佳遊恨不逢仍聞撫禪石為我久從容

五言秋日遙和盧使君遊何山寺宿

敬上人房論涅槃經義

英華

江郡當秋景期將道者同跡高憐竹寺夜靜賞
蓮宮古磬清霜下寒山曉月中詩情緣境發法

性寄筌空翻譯推南本何人繼謝公

五言酬秦山人系題贈

出齋步杉影手自開禪扉花滿不汚地雲多從
觸衣思山石蘚淨擬客露葵肥果得宗居士論
心到極微

五言奉酬袁使君高寺院新亭對雨

其亭即使
君所創

茲亭跡素淺勝事併隨公法界飄香雨禪窓灑
竹風浮煙披夕景高鶴下秋空冥寂四山久寧
期此會同

五言奉酬顏使君真卿見過郭中寺

寺無山水之賞故予述其意以答焉
州西柳家寺禪舍隱人間證性輕觀水栖心不
買山履聲知客貴雲影悟身閑彥會前賢事方
今可得攀

五言酬烏程楊明府華雨後小亭對
月見呈

夜涼喜無訟霽色搖閑情暑退不因雨陶家風
自清疑絃停片景發詠靜秋聲何事禪中隱詩
題忽記名

五言自蘇州訪醫廻酬盧士關判官

見贈

尋醫初疾理忽憶故山雲
遠訪桑公子還依柳使君
周旋承惠愛佩服比蘭薰
從事因高唱秋風起處聞

五言題雷道士新亭

沈

英華

何處好攀躋新亭俯舊溪
坐中千里近簷下四山低
小浦依林曲廻塘裊郭西
桃花春滿地歸路莫相迷

五言送盧仲舒移家海陵

世故多離散東西不可嗟
小秦非本國楚塞後移家
海島無隣里鹽居少物華
山中吟夜月相送在天涯

五言陪盧使君登樓送萬巨之還京

一首

萬里汀洲上東樓欲別難
春風潮水漫正月柳條寒
旅逸逢漁浦清高愛鳥冠
雲山寧不起今日向長安

日向身衣 五言同裴錄事樓上望

若華

退食高樓上湖山向晚晴
桐花落萬井月影出
重城水竹涼風起簾幃
暑氣清蕭蕭獨無事因
見蒞人情

弘秀

雜言寓興

天下生白榆白榆直上連天根
高枝不知幾萬
丈世人仰望徒攀援誰能上天採其子種向人
間笑桃李因問老仙求種法老仙哈我不答始
知此道無所成還如瞽夫學長生

思

弘秀

七言寄常一上人

鴈塞五山臨汗漫雲州一路出青冥
何因請住嘉祥寺內史新修湖上亭

弘秀

五言送祕上人遊京

若華

共居方異路山伴與誰同日冷行人少時清古
鎮空煖瓶和雪水鳴錫帶江風撩亂終南色遙
應入夢中

弘秀

五言賦得啼猿送客

若華

萬里巴江外三聲月峽深何年有此路幾客共

沾襟斷臂分垂影流泉入苦吟悽涼離別後聞
此更傷心一作皆高僧詩

弘秀
五言南樓望月

夜月家家望亭亭愛此樓纖雲溪上斷踈柳影
中秋漸映千峯出遙分萬派流關山誰復見應
獨起邊愁

弘秀
五言尋陸鴻漸不遇

移家雖帶郭野徑入桑麻近種籬邊菊秋來未
著花扣門無犬吠欲去問西家報道山中去歸

時每日斜

弘秀
五言懷舊山

或作滄浩

一坐西林寺從來未下山不因尋長者無事到
人間宿雨愁爲客寒花笑未還空懷舊山月童
子念經閑

弘秀
五言宿吳匡山破寺

古
雙峰百戰後真界滿塵埃蔓草緣空壁悲風起
故臺野花寒更發山月暝還來何事池中水東
流獨不回

弘秀

五言九月十日

歲時

愛寄柴桑隱名溪近訟庭掃沙開野步搖舸出
閑汀宿簡邀詩伴餘花在酒瓶悠然南望意自
有峴山情

弘秀

七言晚秋破山寺

英華

秋風落葉滿空山古寺殘燈石壁間昔日經行
人去盡寒雲夜夜自飛還

弘秀

七言青陽上人院說金陵故事

君說南朝全盛日秣陵才子更多人千年秋色

弘秀

古池館誰見齊王西邸春

七言送僧之京師

綿綿渺渺楚雲繁萬里西歸望國門禪子初心
易悽斷秋風莫上少陵原

弘秀

七言送許丞還洛陽

刺茗情來亦好斟空門一別肯沾襟悲風不動
罷瑤輪忘却洛陽歸客心

弘秀

七言題湖上草堂

山居不買剡中山湖上千峰處處閑芳草白雲

留我住世人何事得相關

弘秀

五言酬李司直縱諸公冬日遊妙喜

寺題照昱二上人房寄長城潘丞述

達賢貴貞隱常懼迹不滅遂與永公期遺身坐
林樾華軒何磷磷為我到幽絕心境寒草花空
門青山月滿生獨不見清景屢盈缺林下常寂
寥人間自離別何時解輕珮來稅丘中轍

五言贈烏程李明府伯宜沈兵曹

水國苦彫瘵東臯豈遺忝雲陰無盡時日出常

帶雨昨夜西溪漲扁舟入芙蓉廡野人同鳥巢暴
客若蜂聚歲晏無斗粟寄身欲何所空羨鸞鶴
姿翩翩自輕舉

五言奉酬顏使君真卿王員外圓宿

寺兼送員外使迴

魯公邀省客貧寺人過少錦帳惟野花竹屏有
窻篠朝行石色淨夜聽泉聲小釋事情已高依
禪境無擾超遙長路首悵望空林杪離思從此
生還將此心了

五言杼山上峯和顏使君真卿表侍
御五韻賦得印字仍期明日登開元
寺樓之會

道情寄遠岳放曠臨千仞香路延絳騶華泉寫
金印日歌諸天近雨過三華潤留客雲外心忘
機松中韻靈嘉早晚期為布東山信

五言同薛員外詎喜雨詩兼上楊君

積旱忽飛澍烝民心亦傾郊雲不待族雨色飛
江城雉稼濯又發敗荷滋更榮時隨霧縠重乍

集柳絲輕一宿恐魚飛數朝徵鶴鳴毒暑澄為
冷高塵滌還清乃知陰隲數制在造化情及此
接歡賀臨風聞頌聲

五言南湖春泛有客自北至說友人
岑元和見懷因叙相思之志以寄焉

故人隔楚水日夕望芳洲春草思眇眇征雲暮
悠悠心期無形影跡曠成阻脩有客江上至知
君佐雒州鏗鏘佩蒼玉蹀躞驅絳騶伊昔中峯
心從來非此流資予長生訣

予嘗授以胎息之訣

希彼高

仙傳此情今如何宿昔師吾謀別後謁禪老更
添石室籌深見人間世飄如水上漚蟬號齊王
邸月苦隋帝樓聲華盡冥冥麋鹿徒呦呦我有
一字教坐然遺此憂何煩脫珪組不用辭王侯
祇在名位中空門兼可遊

五言同薛負外誼人早感懷寄兼呈

上楊使君

皇天鑒不昧恤農何亢極絲雨久愆期綺霞徒
相惑陰雲舒又卷濯枝安可得涸井不累甌乾

溪一憑軾赤地芳草死颼塵驚四塞戎寇夜刺

閨民荒歲傷國賴以王猷盛中原無凶慝楊公

當此晨省災常盱食獨感下堂雨

自州南諸鄉
降甘澤長城

顧渚平地雨一尺
水分流澤數鄉也

偏嘉越境或秋郊天根見我

疆看稼穡請迴雲漢詩為君歌樂職

五言兵後早春登故鄣南樓望崑山

寺白鶴鶴示清道人并沈道士

新陽故樓上眇眇傷遐睠違世情易忘羈時得
無倦春歸華柳發世故陵谷變擾擾陌上心悠

悠夢中見蒼林有靈境杳映遙可羨春日倚東
峯華泉落西甸鍾聲在空碧幡影搖葱蒨緬想
山中人神期如會面別離芳月積岐路浮雲遍
正入空門仙君依苦縣隳形捨簪紱烹玉思
精鍊事外宜我心人間豈予戀身遺世自薄道
勝名必賤耳目何所娛白雲與黃卷

五言酬烏程楊明府華將赴渭北對

月見懷

釋印及秋夜身閑境亦清風襟自瀟灑月意何

高明聞說武安君萬里驅妖精開府 秀士先
招士林英晉家用元凱亦是魯諸生北望撫長
劍感君知己行邊塵昏玉帳殺氣凝金鉦大敵
折齊俎一書下聊城翻飛青雲路宿昔滄洲情
答云詩中悠然
顧山侶之句

五言酬邢端公濟春日蘇臺有呈袁

州李使君兼書并寄辛陽王三侍御

大賢當佐世堯時難退身如何丹霄侶却在滄
江濱柳色變又遍鷺聲聞亦頻賴逢宜春守共

賞南湖春營道知止足飾躬無緇磷家將詩流
近跡與禪僧親放曠臨海門翔翔望雲津雖高
空王說不久山中人

上句答端公
學無爲之句

五言奉和裴使君清春夜南堂聽陳

山人彈白雪

春宵凝麗思閑坐開南園郢客彈白雪紛綸發
金徽散從天上至集向瓊臺飛絃上疑颯颯虛
中想霏霏通幽鬼神駭合道精鑒稀變態風更
入含情月初歸方知阮太守一聽識其微

五言答孟秀才

羸疾依小院空閑趣自深躡苔憐靜色掃樹共
芳陰物外好風至意中佳客尋虛名誰欲累世
事我無心投贈荷君芷馨香滿幽襟

五言酬崔侍御見贈

市隱何妨道禪栖不廢詩與君爲此說長破小
乘疑

私秀

五言贈柳喜得嵩山法門自號嵩山

老

一見高山老吾生恨太遲問君年幾許曾出上皇時

見

洪道行

五言酬李補闕紆

不住東林寺雲泉處處行近臣那得識禪客本無名

山洪道行

五言湖南蘭若示大乘諸公

未到無為岸空憐不繫舟東山白雲意歲晚尚悠悠

七言兵後經永安法空寺寄悟禪師

其寺賊所焚

常說人間法自空何言出世法還同微蹤舊是香林下餘燼今成火宅中後夜池心生素月春天樹色起悲風吾知世代相看盡誰悟浮生似影公

弘秀 七言春日行山寄李負外縱

英華

一閉禪關老此身

南山唯與北山隣古樹連拳伴我身黃鶴有心多不住白雲無事獨相親閑持竹錫深看水嬾繫麻衣出見人欲掇幽芳聊贈遠郎官那賞石

時又作行

無限幽芳徒欲寄

詩

門春

七言酬秦山人贈別二首

知君高隱占賢星卷葉時時注佛經姓被名公

題舊里

秦君里

詩將麗句號新亭

麗句亭

來觀新月

依清室欲漱香泉護觸瓶我有主人江太守如

何相伴住禪靈

江淹為宣城守常會禪靈寺

香林不結又

誰知臥疾不妨禪跡寄詩流性似偏葉示黃金童子愛書題青字古人傳時高獨鶴來雲外每

羨開花在眼前對此留君還欲別應思石澗訪
春泉

七言山居示靈澈上人

清明路出山初暖行踏春蕪看茗歸乍削柳枝
聊代札時窺雲影學裁衣身閑始覺隳名是心
了方知苦行非外物寂中誰似我松聲草色共
無機

七言遥和康錄事李侍御萼小寒食
夜重集康氏園林

習家寒食會何頻應恐流芳不待人已愛治書
詩句逸更聞從事酒名新庭蕪暗積承雙履林
藹雷飛灑幅巾誰見奈園時節共還持綠茗賞
殘春

七言釋裴循春愁

蝶舞鶯歌喜歲芳柳絲裊裊蕙帶長江南春色
共君有^看何事君心獨自傷

興遺鶴
蓮蘭香

七言西白溪期裴方舟不至

望君不見復何情野草閑雲處處生應向秦時

武陵路花間寂歷一人行

七言勞山憶栖霞寺道素上人久期

遠寺蕭蕭獨坐心山情自得趣何深泉聲稍滴
芙蓉漏月影繞分鸚鵡林滿地雲輕長礙徒繞
松風近每吹襟貪閑不記前心偈念別聊為出
世吟更待花開遍山雪山山相似若為尋

七言酬秦山人出山見呈

手携酒榼共書幃迴語長松我即歸若是出山

英華

機已息巖雲何事背君飛

更亦

弘秀

七言酬秦山人見尋

左右香童不識君
擔簦訪我領鷗群
山僧待客無俗物
唯有窓前片碧雲

弘秀

七言宿法華寺簡靈澈上人

至道無機但杳冥
孤燈寒竹自青熒
不知何處小乘客
一夜風來聞誦經

前

杼山集卷第一

杼山集卷第二

吳興釋皎然清晝撰

五言奉酬表使君高春遊鵲鵠峯蘭

若見懷

鵲鵠中峯近高竒
古人遺常欲乞此
地養松挂藤絲
昨聞雙旌出一川
花滿時恨無翔雲
步遠赴關山期躋
險與誰賞折芳應
自怡遙知志歸趣
喜得春景遲已見
郢人唱新題石門
詩

五言答裴濟從事

遲遲雲鶴意奮超知有期三乘綱紀局累登清
白資應懷青塘居蕙草沒前墀舊月照秋水廢
田留故陂至今高風在為君吹桂枝昨逢洞庭
客果得故人詩何異王內史來招道林師欲攜
山侶出難與白雲辭

五言白雲上精舍尋杼山禪師兼示

崔子向何山道上人

望遠涉寒水懷人在幽境為高皎皎姿及愛蒼
蒼嶺果見栖禪子潺湲灌真頂積疑一念破澄

息萬緣靜世事花上塵惠心空中境清閑誘我
性遂使腸慮屏許共林客遊欲從山王請木栖
無名樹水汲忘機井持此一日高未肯謝箕顛
夕霽山態好空月生俄頃識妙聆細泉悟深滌
清茗此心誰復得笑向西林永

五言酬薛負外誼苦熱行見寄

六月金敷伏茲辰日在庚炎曦爍肌膚毒霧昏
性情安得奮輕翮超遙出雲征不知天地心如
何匠生成火德燒百卉瑤草不及榮省客當此

弘秀

襟

翅

理

霸

樂府

卷中

×
□

時忽貽懷中瓊捧翫煩袂滌嘯歌美風生遲君
佐元氣調使四序平中令霜不被火餘氣常貞
江南詩騷客休吟苦熱行

五言採實心竹杖寄贈李萼侍御

英華

竹杖裁碧鮮步林賞高直實心去內矯全節無
外飾行樂聊自持扶危資爾力初生在榛莽孤
秀豈封殖千雪不死枝贈君期君識

五言酬薛負外詎見戲一首
方知正始作麗掩碧雲詩文彩盈懷袖風規發

英華

詠思遺方逢大敵摩壘怯偏師頻有移書讓多
慙繫組遲淺才迂且拙虛譽喜還疑猶倚披沙
鑒長歌向子期

五言奉酬李中丞洪湖州西亭即事
見寄兼呈吳馮處士時中丞量移湖

州長史

愛君溪上住遲月開前扁山火照書卷野風吹
酒餅爲誰留此物意在眼中青樵子逗煙墅漁
翁宿沙汀主人非楚客莫謾譏獨醒宿昔邢城

功道高心已冥貪將到處士放醉烏家亭

五言茗溪草堂自大曆三年夏新營

泊秋及春彌覺境勝因紀其事簡潘

丞述湯評事衡四十三韻

萬慮皆可遺愛山情不易自從東溪住始與人

群隔應物非宿心遺身是吾策先民崆峒子淪

景事金液綺里猶近名於陵未泯跡吾師逆流

教禪隱殊古昔僧傳云人皆隱於山我獨隱於禪洗足臨潺湲

銷聲寄松栢緗荷採堪服柔草持可席道心制

野猿法語授幽客境淨萬象真寄目皆有蓋原

上無情花聖教意草木等器世間雖無情而理性通又云鬱鬱黃花無非般若若是其

義山中聽經石高僧詮公詩曰學徒數愧石生公有通經石竹生自

蕭散雲性常潔白却見羈世人遠高摩霄翺達

賢觀此意煩想遂冰蘖伊子戰苦勝覽境情不

溺智以動念昏功由無心積形骸爾何有生死

誰所戚為與勝悟冥不憂頽齡迫春風自駘蕩

禪地長闐寂擲札成柳枝僧傳北遠法師涅槃經疏畢擲札於庭柳

枝生馬漑瓶養泉脈道人知止足盥漱聊自適學

外見古賢頗今我心惕眇綿雲官世夢幻羽陵
籍鬼錄徒相矜九原誰家宅俗情封淺近至理
昧堯跖蹈善嗟沉冥履仁傷陞阨匠心聖亦尤
攻異天見責世論謂堯聖德而嗣不肯盜跖毀
行而享長富無福仁禍淫之應師
心攻異之士及怨天責聖不知有實試以惠眼觀
昭昭之業論空者人失信空之實
斯言諒可覲外事非吾道忘緣倦所歷中宵廢
耳目形靜神不役色天夜清迥花漏時滴瀝高僧
要公刻
蓮花漏東風吹杉梧幽月到石壁此中一悟心
可與千載敵故交徒好我筐中無咫尺潘生入

空門祖師傳秘蹟

潘子曾愛
曹溪禪門

湯子自天德精詣

功不僻放世與成名兩圖在所擇

遠公謂劉處
士云世間唯

是想耳苟放有世之見心即道
豈有世外物來羈爾耶

吾高鷓夷子身

退無瑕謫吾嘉魯仲連功成弃珪璧二賢兼彼

才晚節何感激不然作山計改服我下澤君隳

元亮冠我脫潛師屐

僧傳沙門法潛
着山屐入朝

倚臥高松

根共逃金閨籍

五言谷裴集陽伯明二賢各垂贈二

十韻今以一章用酬兩作

知音如瓊枝天生爲予有攀折若無階何殊天
上柳裴生清通嗣陽子盛德後詩名比元長詩比王融爲賦體凌延壽賦如文孝珠生驪龍俱少年著名亦俱盛年領或生靈蛇口何似雙瓊章英英曜吾手白日
不可汙清源肯容垢持此山上心待君忘情友
且伴立聲賞未隨名宦誘生石代瓊茵製荷捐
艾綬清宵集我寺烹茗開禪牖發論教可垂正
文言不朽白雲供詩用清吹生座右不嫌逸令
醉莫試仙壺酒皎皎尋陽隱千年可爲偶一從

漢道平世事無絲紉星文齊七政天軸明二斗
召士揚弓旌知君在林藪莫學潁陽子請師高
山叟出處藩我君還來會厓阜

五言答豆盧居士春夜遊東園見懷
春意賞不足承夕步東園事表精慮遠月中華
木繁開襟寄清景遐想屬空門安得纚芳徒看
君幽徑萱

五言寄崔萬芳憂

氣殺高隼擊惜芳步寒林風搖蒼琅根霜剪菽

翹音遙心歸思忽眇眇佳期亦沉沉我身豈遐遠
如隔湘漢深事邇智莫及願乖情不任遲君忘
言侶一笑開吾襟

五言訪朱放山人

野人未相識何處異鄉隔昨逢雲陽信教向雲
陽覓空聞天上風飄飄不可覲應非矍爍翁或
是滄浪客早晚從我遊共携春山策

五言晚冬廢溪東寺懷李同直縱

廢溪無人跡益見離思深歸來始昨日恍惚驚

歲陰清想屬遙夜圓景當空林宿昔月未改何
如故人心遊從間芳趾搖落栖寒岑眇眇湖上
別含情初至今道流安寂寞世路倦嶇嶇此意
欲誰見懷賢獨難任徽聲反冥默夕籟何哀吟
禪念破離夢吾師誠援琴耿耿已及旦曷由開
此襟幽期諒未偶勝境徒自尋安得西歸雲因
之傳素音

五言兵後與故人別予西上至今在
楊楚因有是寄

日月不相待思君魂屢驚草玄寄揚子作賦得
蕪城温温獨游跡遥遥相望情淮上春草歇楚
子秋風生辟士天下盡君何獨屏營運開應佐
世業就可成名誰借楚山住年年事耦耕

五言因遊支硎寺寄邢端公

大廈資多士掄材得豫章清門推問望早歲騁
康莊作用方開物聲名久擅場丹延分塞郡宿
昔領戎行始馭屏星乘旋陰蔽第崇始佐延州
俄典茲郡
朝端瞻鶚立關右仰鷹揚威令蕪寧朔英聲重

護羗三軍成父子雜虜避封疆身執金吾貴時
遭寶運昌雍容持漢稍肅穆衛周堂排難知臣
節攻疑定國章一言明大義千載揖休光踐職
勲庸列脩躬志行彰優遊應慕陸止足定師張
中宸懷殊政南州佇小康仁為桂江雨威是栢
臺霜自桂州除
侍御史謇諤言無隱公忠禍不防譴深
辭紫禁恩在副朱方左遷温州
治中切玉鋒休
淬垂天翅罷翔論文徵賈馬述隱許求羊肘後
看金碧晉間笑水蒼詩題白羽扇酒挈綠油囊

曠達機何有深沉器莫量時應登古寺佳趣在
春崗止水平香砌鮮雲滿石林山情何寂樂塵
世自飛揚已遇鑪峯社還思緝蕙房外心親地
主內學事空王花會宜春淺禪遊喜夜涼高明
依月境蕭散躡庭芳得道殊秦佚墮名似楚狂
餘生於此足不欲返韶陽

期過故林不至

用題中韻

英華

望祀崇周典皇華出漢庭紫泥頒會計玄酒薦
芳馨聖慮多虔肅齋心合至靈占祥刊史竹筮
日數堯奠禮秩加新命朝章薦理刑敷誠通北
闕遺愛在南亭茗水思曾泛磯山憶重經清風
門客仰佳頌國人聽攀桂留卿月徵文待使星
春郊迴駟壯遙識故林青

五言

山東田采五言早秋桐廬思歸示道諺上人

英華

桐江秋信早憶在故山時靜夜風鳴磬無人竹
掃埵猿來觸淨水鳥下啄寒梨可即關吾事歸

何暇

心自有期

五言勞勞山居寄呈吳處士無入林

英華

山事由來別只應中老身寒園掃綻粟秋浪拾

乾薪楚人呼養領鶴閑書竹誇雲笑向人俗家

流

相去遠野水作東隣

五言寄報德寺從上人

鼓吹山在寺西

宗流許身子物表養高閑空色清涼寺秋聲鼓

吹山看心水磬後行道雨花間七葉翻章句時

時啓義關

五言山中月夜寄無錫長官

湖上涼風早雙峯月色秋遙知秣陵令今夜在

西樓別葉蕭蕭下含霜處處流如何共清景異

縣不同游

五言奉賀顏使君真卿二十八郎隔

絕自河北遠歸

英華

相失值氣煙纔應掌上年久離驚貌長多難喜

身全比信尚書重如威太守憐滿庭看玉樹更

有一枝連

五言題湖上蘭若示清會上人

英華

峯心惠忍寺嵒頂謝公山何似南湖近芳洲一

畝間意中雲木秀事外水堂閑永日無人到時

看獨鶴還

五言秋宵書事寄吳馮處士

示崔居士

真性在方丈寂寥無四隣秋天月色正清夜道

心真大夢觀前事浮名悟此身不知庭樹意榮

落感何人

五言題山壁示道維上人

獨居何意足山色在前門身野長無事心冥自

不言閑行數亂竹靜坐照清源物外從知少禪

徒不耐煩

五言晚秋登佛川南峯懷裴例

登嶺望落日眇然傷別魂亭臯秋色遍遊子在

荆門世故東西客山空斷續猿此心誰復見寂

寞偶芳蓀

弘秀

五言訪陸處士羽

文粹

太湖東西路吳王古山前所思不可見歸鴻自

雁

翩翩何山賞春茗何處弄春泉莫是滄浪子悠
悠一釣舡

五言酬李侍御夢題看心道場賦以

眉毛腸心牙等五字

畫得牙字

我法從誰悟心師是貫花三塵觀種子一雨發
萌牙定起輪燈缺宵分印月斜了空如藏史始
肯會禪家

辯正論亦有九流一曰禪家者流

五言酬姚補闕南仲雲溪館中戲題

隨書見寄

寺溪臨使府風景借仁祠補袞周官貴能名漢
主思臥雲知獨處望月憶同時忽枉緘中贈瓊
瑤滿手持

五言春夜期裴都曹濟集心上人院
不至

東林期隱吏日月為虛盈遠望浮雲隔空憐定
水清逍遙方外侶荏苒府中情漸聽寒鞞發淵
淵在郡城

五言和裴少府懷京兄弟

宦遊三楚外家在五陵原涼夜多歸夢秋風滿
故園北書無遠信西候獨傷魂空念青門別殷
勤跋路言

東林賦引五言和閻士和望池月谷人

片月忽臨池雙蛾憶畫時光浮空似粉影散不
成眉孤枕應驚夢寒林正入帷情知兩處望莫
怨獨相思

主思相雲五言遙和塵外上人與陸澧夜集山

寺與詔對寺問涅槃義兼賞陸生文卷上人自號北山

昔歲為林子孫綽僧史以七人配

共是竹林賢德裕阮號竹林七僧心從貝葉傳

說經看月喻開卷愛珠連清淨遙城外蕭疎舌

塔前應隨北山子高頂枕雲眠

高無事去五言春日和盧使君幼平開元寺聽

董亦又相妙奘上人講時上人將遊五臺

仁聖垂文在虛空日月懸陵遲遲哲匠宗旨發

幽詮法受諸侯請心教四子傳春生雪山草香

下棘林天顧我從今日聞經悟宿緣涼山萬里

英華

係

去應為教猶偏

七言答李侍御問

入道曾經離亂前
長干古寺住多年
愛貧唯製蓮花足
取性閑書樹葉篇
自笑不歸看石牒
誰高無事弄苔泉
身外空名何足問
吾心已出第

三禪

弘秀

七言奉酬李負外使君嘉祐蘇臺屏

營居春首有懷

昔歲為邦初未識
今朝休沐始相親
移家水巷

貧

貧依靜種柳風窻欲占春
詩思先邀烏府客

情還訪白樓人
登臨許作煙霞伴
高在方袍間

幅中

七言和李舍人使君紆題雲明府道

許令如今道性雲
曾經西岳事桐君
流霞手把

應怜壽黃鶴
心期擬作群金籙
時教弟子檢砂

牀不遣世人聞
桂陽亦是神仙守
分別無嗟兩

地分

晴事

英華

英華

七言奉和陸中丞使君長源寒食日

世作

寒食日

寒食江天氣最清
庾公晨望動高情
因逢內火千家靜
便覩行春萬木榮
深淺山容飛雨細
縈紆水態拂雲輕
腰章本郡誰相似
數日臨人政已成

五言奉酬袁使君送陸灞却迴期過

寺院

欲別湖上客
暮期西林還
高歌風音表
放舟月

色間更人莫報夜禪閣本無關

五言招韓武康章

山僧雖不飲
酤酒引陶潛
此意無人別
多為俗士嫌

五言秋居法華寺下院望高頂贈如

獻上人

在

寒雲
峯色秋天見
松聲靜夜聞
影孤長不出
行道在

五言贈韋早陸羽

只將陶與謝終日可忘情不欲多相識逢人懶道名

五言戲呈薛彝
山僧不歇野才子會須狂何處銷君興春風擺綠楊

五言贈顏主簿

漢家儀禮盛名教出諸顏更見尚書後能文在子山

五言贈融上人

常愛西林寺池中月出時芭蕉一片葉書取寄

吾師

私秀

五言聽寒更寄朱兵曹巨川

歌枕聽寒更寒更發還住一夜千萬聲幾聲到君處

五言早春書懷寄李少府仲宣并序

予故里在長城下山昔歲屬狂寇陷沒江左親故離散永望粉梓不覺傷懷因李使君長城遂寄是詩以見情也

早年初問法因悟日中花忽值胡雛起芟夷君若
亂麻脫身投彼岸吊影念生涯跡與空門合心
將世路賒東田已蕪沒東部公有東田詩南澗益傷嗟
秣陵記曰南澗竭謝氏滅崇替驚人事凋殘感物華知君過
我里惆悵舊煙霞

七言贈和評事判官

廷評年少法家流心似澄江月正秋學究天人
知遠識權分益鐵許良籌春風憶酒烏家近好
月論禪謝寺幽清白比來誰見賞憐君獨有富

人侯

七言酬秦系山人題贈

雲林出空鳥未歸松吹時飄雨浴衣石語花愁悲
徒自託吾心見境盡為非

七言酬秦系山人戲贈

正論禪寂忽狂歌莫是塵心顛倒多白足行花
曾不染黃囊貯酒欲如何

七言貽李湯

茅氏常論七真記壺公愛說三山事寧知梅福

在人間獨為蒼生作仙吏日服丹砂骨自清膚
如冰雪心更明山中玉筍是仙藥袖裏素書題
養生願隨黃鶴一輕舉仰望青霄獨延佇平生
好駿君已知何必山陰訪王許

七言述祖德贈湖上諸沈

我祖文章有盛名千年海內重嘉聲雪飛梁苑
操奇賦梁苑出惠連公雪賦春發池塘得佳句康樂云池上樓詩夢
惠連方得池塘生芳草之句世業相承及我身風流自謂過
時人初看甲乙矜言語對客偏能鵠鶴舞尚公

弘秀

善飽用黃金無所求長裾曳地干王侯一朝金
盡長裾裂吾道不行計亦拙歲晚高歌悲苦寒
空堂危坐百憂攢昔時軒蓋金陵下何處不傳
沈與謝田公與約俱是西邸八支綿綿芳藉至今聞眷眷通
宗有數君誰見予心獨飄泊依山寄水似浮雲

二月湖南春草遍橫山渡口花如霰相思一日
在孤舟空見歸雲兩三片

七言贈張道士

予山集卷二

玉京真子名太一因服日華心如日此心不許
世人知只向仙宮未曾出

雜言宿山寺寄季中丞洪

世人不知心是道只言道在他方妙還如瞽老
望長安長安在西向東笑

雜言宿山寺寄季中丞洪

偶來中峯宿閑坐見真境寂寂孤月心亭亭圓
泉影滿山花落始知靜從他半夜愁猿
驚不廢此心長杳冥

弘秀

雜言戲贈吳馮

予讀古人書遂識古人面不是識古人邪正心
自見貴義輕財求俗譽一錢與人便驕倨昨朝
爲火令爲冰此道非君獨撫膺

諸秀才

門前峴山近無路可登陟徒愛峴山高仰之常
歎息不如松與桂生在重巖側

五言晚秋宿李軍道所居

卷二

清溪路不遥都尉每相招落日休戎馬秋風罷
射鵬木花生野徑栢實滿寒條永夜依山府禪
心共寂寥
世人不知言
杼山集卷第二
吳興觀
高火今為水
自良貴
子齋古人書
驚不廢

杼山集卷第三

吳興釋皎然中清書不撰
五言奉和顏使君真卿與陸處士羽

登妙喜寺三癸亭亭即陸生所創

以癸丑歲癸卯
日五故右顏名陸創

秋意西山多列岑紫左次繕亭歷三癸
疏趾隣什寺元化隱靈蹤始君啓高誅
誅榛養翹楚鞭草理芳蕙俯砌披水容
通天掃峯翠境新耳目換物遠風煙異
倚石忘世情援雲得真意嘉林幸勿剪
禪侶欣可庇衛法大臣過佐遊群英萃

龍池護清澈虎節到深遠徒想嵎頂期于今沒
遺記

草野卷五 五言奉陪陸使君長源裴端公樞春

十卷六 遊東西武丘寺

雲水夾雙刹遙疑涌平陂入門見藏山元化何

由窺曳組探詭怪停驄訪幽竒情高氣為爽德

暖春亦隨瑤草自的皜蕙樓爭蔽虧金精落壞

陵劍彩沉古池一覽巾天界中峯步未移應嘉

生公石列坐援松枝

五言奉和陸使君長源夏月遊太湖

此時公權領湖州

庾公心曠遠府事局耳目遂與南湖遊虛襟滌

煩煥始知皇天意積水在亭育細流信不讓物

動欣所蓄萬頃合天容洗然無雲族峭蒨矚仙

嶺神仙傳洞庭神仙所居也超遙隨明牧知公愛澄清波靜

氣亦肅已見橫流極况聞長鯨戮會北信至王師已收長安

中洲暫採蘋即柳惲汀洲採白蘋之意也南郡思剖竹公時改授

信向夕分好風飄然送歸舳

五言奉和崔中丞使君論李侍御登

爛柯山宿石橋寺効小謝體

常愛謝公郡幽期願相從果迴青驄臆共躡玄
仙蹤靈境若髣髴爛柯思再逢飛梁丹霞接古
局蒼苔封徃想冥昧理誰親冰雪容蕙樓聳空
界蓮宇開中峯今為仙寺晉是仙山遺昔化冲
虛鶴今藏護法龍雲窺香樹杳月見色天重永
夜寄岑寂清言滌心曾盛遊十年後書在巖中
松

五言同顏使君真卿李侍御萼遊法

華寺登鳳翅山望太湖

雙峯開鳳翅秀出南湖州地勢抱郊樹山威增
郡樓正逢周柱史來會魯諸侯緩步凌彩蒨清
鏡發颼颼披雲得靈境拂石臨芳洲積翠遙空
碧含風廣澤秋蕭辰資麗思高論驚精脩何似
鍾山集徵文及惠休

五言奉陪陸使君長源諸公遊支硎

寺寺即支公學道處

嘗覽高逸傳山僧有遺蹤
佐遊繼雅篇嘉會何
由逢塵世即下界色天當上峯
春暉遍衆草寒
色留高松繚繞彩雲合參差綺樓重瓊葩灑中
島石澗清心曾靈境若可託道情知所從

五言奉陪鄭使君謬遊太湖至洞庭

山登上真觀却望湖水

郡齋得無事放舟下南湖湖中見仙郎果與心
賞俱不遠風物變忽如寰宇殊皆雲視層崖別
是登蓬壺突兀盤水府叅差昏天衢迴瞻平蕪

盡洪流豁中區氣吞江山勢色淨氛靄無靈長
習水德勝勢當地樞朝宗動歸心萬里思鴻途

五言奉和袁使君高郡中新亭會張

鍊師晝會二上人

置亭隱城堞事簡跡易幽公性崇儉素雅才非
廣求傍簷竹雨清拂案杉風秋不移府中步登
茲如遠遊坐覺詩思高俯知物役休虛寂偶禪
子逍遙親道流更聞臨川作下節安能訓

五言奉和陸使君長源水堂納涼効

曹劉體

柳家陶暑亭意遠不可齊煩襟蕩朱絃高步援
綠萋愛公滿亭客來是清風携澄澗前溪上曠
望古郡西六月正中伏水軒氣常淒野香襲荷
芰道性親鳧鷺禪子顧惠休逸民重劉黎乃知
高世量不以出處睽

五言夏日奉陪陸使君長源公堂集

府中自清遠六月高梧間寥亮泛雅瑟逍遙扣
玄關嶺雲與人靜庭鶴隨公閑動息諒兼遂茲

情即東山

五言伏日就湯評事衡湖上避暑

大火方燥石停雲晝亦收將從賞心侶寸景難
遠遊擁几苦炎伏出門望汀洲廻溪照軒宇廣
陌臨梧楸釋悶命雅瑟放情思亂流更持無生
論可以清煩憂

五言奉和顏使君真卿脩韻海畢會

外學宗碩儒游焉從後進特以仁恕廣不學門

欄峻著書裨理化奉表誠信探討始河圖紛
綸歸海韻親承大匠琢况觀顏波振錯簡記鈞
槩音鑑閱書移玉鎮曷由旌不朽盛美流歌引

五言喜義興權明府自君山至集陸
處士羽青塘別業

應難久辭袂暫寄君陽隱已見縣名花會逢闈
是粉本自尋人至寧因看竹引身關白雲多門
占春山盡最賞無事心籬邊釣溪近

五言夏日集李司直縱溪齋

脩景屬良會遠颺生煩襟泄雲收淨綠衆木積
芳陰疏滌府中務迢遙湖上心習閑得招我賞
夜宜泛琴山近資性靜月來寄情深澹然若事
外豈藉隳華簪

五言夏日題桐廬楊明府納涼山齋
陶家無炎暑自有林中峯席上落山影桐梢迴
水容放懷涼風至緩步清陰重何事親堆按猶
多高世蹤

五言和楊明府早秋遊法華寺

釋事出縣閣初聞茲山靈寺扉隱天色影剎遙
丁丁碧峯委合沓香蔓垂蔭苓清景為公有放
曠雲邊亭秋賞石潭潔夜嘉杉月清誦空性不
昧助道跡又經是以於物理紛然若未形移來
字人要全與此道冥

五言宿道士觀

古觀秋木秀冷然屬鮮颯瓊花被脩蔓栢實滿
寒條影殿山寂寂寥天月昭昭幽期寄仙侶習
定至中宵清佩聞虛步真官方宿朝

弘秀

五言冬日天井西峯張鍊師所居

採薪逢野泉漸見栖閑所坎坎山上聲幽幽林
中語仙鄉何代隱鄉服言亦楚開水淨藥苗掃
雪候山侶零葉聚敗籬幽花積寒渚冥冥孤鶴
性天外思輕舉

五言奉同顏使君真卿開元寺經藏院會觀樹文殊碑

萬國布殊私千年降祖師鴈門傳法至龍藏立
言時故實刊周典新聲播魯詩六銖那更拂劫

文碑

石盡無期

五言奉同盧使君幼平遊精舍寺

英華

影剎西方在虛空翠色分人天霽後見猿鳥定
中間真界隱青壁春山凌白雲今朝石門會千
古仰斯文

五言奉同顏使君真卿袁侍御駱駝

橋翫月

山中常見月不及共遊時水上恐將缺林端愛
落遲烏驚憲府客人詠鮑家詩永夜南橋望徘徊

徇若有期

五言和邢端公登臺春望句句有春

字之什

春日繡衣輕春臺別有情春煙間草色春鳥隔
花聲春樹亂無次春山遙得名春風正飄蕩春
甕莫須傾

五言經仙人渚即沈山下古人沈義

義

白日昇仙處

日月人間短何時此得仙古山春已盡遺渚事

英華

空傳不見騰雲駕徒臨南洗藥泉如今成逝水翻
使恨流年

五言獨遊二首

性野趣無端春晴路又乾
逢泉破石弄放鶴向
雲看好僻誰相似從狂我自安
芳洲亦有意步
上白沙灘

又

臨水興不盡虛舟可同嬉
還雲與歸鳥若共山
僧期世事吾不預此心誰得知
西峯有禪老應

見獨遊時

弘秀

五言遊溪待月

溪色思泛月
泐泐欲未歸
殘燈逢水店
踈磬憶
山扉
夜浦魚驚少
空林鵲逸稀
可中纔望見
撩亂擣寒衣

五言西溪獨泛

道情何所寄
素舸漫流間
真性憐高鶴
無名羨
野山經寒叢
竹秀入靜片
雲開泛泛誰為侶
唯應共月還

五言早秋陪韓明府泛阮元公溪嘗公

言禪功可入而官情詎能忘故詩中有此意戲之

雨信清殘暑蕭條古縣西
早涼生浦溆秋意滿高低
前事雖堆案閑情得泝溪
何言戰未勝空寂用還齊

五言九日陪顏使君真卿登水樓

重陽荆楚尚高會此難陪
偶見登龍客同遊戲
馬臺風文向水疊雲態擁
歌迴持菊煩相問捫襟愧不才

五言與盧孟明別後宿南湖對月

明府

吳華

五湖生夜月千里滿寒流
曠望煙霞盡淒涼天
地秋相思路渺渺獨夢水
悠悠何處空江上徘徊送客舟

嬋娟伴

東

五言自義亭驛送李長史後夜宿臨

平東湖

長亭賓馭散歧路起悲風
千里勤王事驅車明月中
寒生洞庭水夜度塞門鴻
處處堪傷別歸來山又空

弘秀

春山又空 五言出遊

少時不見山便覺無竒趣狂發從亂歌情來任
閑步此心誰共證笑看風吹樹

高低前 五言界石守風望天竺靈隱二寺

山頂東西寺江中旦暮潮歸心不可到松路在

青霄

弘秀 五言奉和顏使君真卿脩韻海畢州

中重宴 雙字

世學高南郡身封盛魯邦九流宗韻海七字揖

抱

善華

惜

文江借賞雲歸堞留歡月在窻不知名教樂千
載與誰雙

五言晦日陪顏使君白蘋洲集

東字

歲時

南朝分古郡山水似湘東堤月吳風在浦裾楚
客同桂寒初結旆蘋小欲成叢時晦佳游促高

洲居一作
滿車

歌聽不終

五言冬至日陪裴端公使君清水堂

賞文可回集

歲時 善華

亞歲崇高宴華軒照渌波渚芳迎氣早山翠向

子山集卷三

十一

晴多推往知時訓書雲辨政和從公惜日短留
賞夜如何

五言陪盧判官水堂夜宴

暑氣當宵盡徘徊坐月前靜依山堞近涼入水
扉偏久是栖林客初逢佐幕賢愛君高野意
茗釣淪漣

五言新秋同盧侍御薛員外白蘋洲

薄與指雙月夜

隔暑蘋洲近迎涼欲泛舟榮從憲府至喜會夕

郎遊氣奪滄浪色風欺汗漫流誰言三伏夜獨
此月前秋

五言夏日集裴錄事北亭避暑

前林夏雨歇為我生涼風一室煩暑外衆山清
景中忘歸親野水適性許雲鴻蕭散都曹吏還
將靜者同

五言與王錄事會張徵君姊妹鍊師

院翫雪兼懷清會上人

何意廉從事還來會默仙寒空驚雪遍春意入

歌偏瑤草三花發瓊林七葉連飄飄過柳寺應
滿譯經前

五言和李侍御萼歲初夜集處士書

閣書閣即侍御所創

遲賢新置閣高意此郊居古逕行春早新窓見
月初放歌還倚瑟講道亦觀書為我留禪位來
逢此會踈

五言湯評事衡水亭會覺禪師

山侶相逢少清晨會水亭雪晴松葉翠煙暖藥

苗青靜對滄洲鶴閑看古寺經應憐叩關子了

義共心冥

五言與朝陽山人張朝夜集湖亭賦

得各言其志

洞庭孤月在秋色望無邊零露積衰草寒蟬鳴
古田茫茫區中想寂寂塵外緣從此悟浮世胡
為傷暮年

五言晦夜李侍御萼宅集招潘述湯

衡海上人飲茶賦

開字

歲時

晦夜不生月可生琴軒猶為開牆東隱者在淇上逸
僧來茗愛傳花飲詩看卷素裁風流高此會晚
景屢徘徊

古田英英五言寄昱上人上方居

厭向人間住逢山欲懶歸片雲閑似我日日在
禪扉地靜松陰遍門空鳥語稀夜涼踈磬盡師
友自相依

五言夏日與綦毋居士昱上人納涼
為依爐峯住境勝增道情涼日暑不變空門風

自清坐援香實近轉愛綠蕪生宗炳青霞士如
何知我名

五言建元寺集皇甫侍御書閣

不因居佛里無事得相逢名重朝端望身高俗
外蹤公愛講佛經嘗云慕機閑看淨水境寂聽
踈鍾宣室恩長在知君志未從

五言郭北尋徐主簿別業

近依城北住幽遙少人知積雪行深巷閑雲繞
古籬竹花冬更發橙實晚仍垂還共巖中鶴令

朝下淶池

五言題報德寺清幽上人西峯

寺即陳文

帝故鄉

陳世凋亡後仁祠識舊山帝鄉喬木在空見白

雲還雙塔寒林外三陵暮雨間此中難戰勝君

獨啓禪關

五言題鄭谷江畔桐齋

鄭生好琴性達兼寡欲

客齋開別住坐占綠江濱流水非外物閑雲長

屬君浮榮未可累曠達若為群風起高梧下清

絃日日聞

五言和闍士和李蕙冬夜重集

郡理日閑曠洗心宿香峯雙林秋見月萬壑靜

聞鍾珮玉行山翠交麾動水容如何股肱守塵

外得相從

五言春日陪顏使君真卿皇甫曾西

亭重會韻海諸生

為重南臺客朝朝會魯儒暄風衆木變清景片

雲無峯翠飄簷下溪光照座隅不將簪艾隔知

與道情俱

五言寒食日同陸士行報德寺宿解

公房

淡明
英華

古寺章陵下潛公住幾年安心生軟草灌頂引

春泉寂寂傳燈地寥寥禁火天世間多暗室白

日為誰懸

五言兵馬曹季良宅夜集

英華

清景不可失尋君趣有餘身高避事後道長問

心初出處名則異遊從跡何踈吟看刻盡燭笑

卷讀殘書露彩生筆硯風音入庭除平明山侶

散敲觥動迴車

五言同李侍御夢李判官集陸處士

羽新宅

素風千戶敵新語陸生能借宅心常遠移籬力

更弘鈞絲初種竹衣帶近裁藤戎佐推兄弟詩

流得友朋柳陰容過客花逕許招僧不為牆東

隱人家到未曾

五言題報恩寺惟照上人房

上界雨色乾涼宮日遲遲水文披蕙苔山翠動
果愚中有清真子惜惜步閑墀手紫頗黎縷願
證黃金姿旋草堦下生看心當此時亦名苾芻
草枝葉皆
右旋故名旋
草草有五德

七言尋天目徐君

常見仙翁變姓名豈知松子號初平逢人不道
往來處賣藥還將鷄犬行獨鶴天邊俱得性浮
雲世上共無情三花落盡君猶在笑撫安期昨
日生

七言同李著作縱題塵外上人院

百緣唯有什公瓶萬法但看一字經從遣鳥喧
心不動任教香醉境常冥蓮花天晝浮雲卷貝
葉宮春好月停禪伴欲邀何著作空音宜向夜
中聽

七言題周諫別業予寺與周生
所居俱臨茗水

隱身茗上欲如何不着青袍愛綠蘿柳巷任踈
容馬入水籬從破許舡過昂藏獨鶴閑心遠寂
歷秋花野意多若訪禪齋遙可見竹窓書幌共

弘秀

英華

煙波

七言同李中丞洪水亭夜集

佳人但莫吹參差正憐月色生酒卮山公取醉
不關我為愛樽前白鷺鷥

弘秀

七言題秦系上人入麗白亭

獨將詩教領諸生但看青山不愛名滿院竹聲
堪愈疾亂林花片足忘情

七言春夜集陸處士翫月

欲賞芳菲肯待辰忘情人訪有情人西林可是

無清景祇為忘情不記春

弘秀

七言寄題雲門寺梵月無側房

時人相傳

是寶月道人後身也

越山千萬雲門絕西僧貌古還名月清朝掃石
行道歸林下眠禪看松雪

弘秀

七言法華寺上方題江上人禪室

路入松聲遠更奇山光水色共參差中峯禪寂
一僧在坐對梁朝老桂枝

五言冬日山行遇薛徵君

我行倦脩坂四顧無平陸
雨霽鳴鷹鷗天寒聚麋鹿
幽人訪名士家在南崗曲
菜實紫小園稻花遶山屋
深居寡憂悔勝境怡耳目
衝心尚與我永言謝浮俗

弘秀

雜言往丹陽尋陸處士不遇

遠客殊未歸我來幾惆悵
叩關一日不見人繞屋
寒花笑相向寒花寂寂
遍荒阡柳色蕭蕭愁暮
蟬行人無數不相識
獨立雲陽古驛邊鳳翅
山中思本寺魚竿村口
望歸船歸船不見見寒

煙離心遠水共悠然他日相期那可定
閑僧着處即經年

五言集湯評事衡湖上望微雨

蒼涼遠景中雨色緣山有雲送
滿洞庭風吹繞楊柳蕭蕭解輕袂
盡日隨林叟

五言九日與陸處士羽飲茶

九日山僧院東籬菊也黃俗人多泛酒
誰解助

茶香

泛美酒

七言夜過康錄事造會兄弟

愛君門館夜來清
瓊樹雙枝是弟兄
月在詩家偏足思
風過客位更多情

五言題沈少府書齋

不下南昌尉
書齋每日閑
野花當砌落
溪鳥逐人還
有興常臨水
無時不見山
千峯數可盡
不出小窓間

杼山集卷第三

上

杼山集卷第四

吳興釋皎然
清晝出撰關

五言送梁拾遺肅歸朝

明主重文諫
才臣出江東
束書辭東山
改服臨北風
萬里望皇邑
九重當曙空
天開芙蓉闕
日上蒲桃宮
天子初未起
金閨籍先通
身逢軒轅
世名貴
鴛鸞中
故人榮
此別何用悲
絲桐

奉陪楊使君頊送段校書赴南海幕

碩賢靜廣州
信爲天下貞
屈茲大將佐
藉彼延

閣英聲動柳吳興郊餞意不輕吾知段夫子高
論關蒼生處以德爲藩出則道可行遙知南樓
會新景當詩情天高林瘴洗秋遠海色清時泰
罷飛檄唯應頌公成

五言送陸侍御士佳赴上京

長安三千里喜行不言永清路黃塵飛大河滄
流靜更懷西川府主公昔和鼎伊鬱瑤瑟情威
遲花驄影此時已難別日又無停景出餞關相
從心隨過前嶺

五言奉陪顏使君真卿登峴山送張

侍御嚴歸堂

峴首千里情北轅自茲發煙霞正登覽簪筆限
趨謁黃鶴望天衢白雲歸帝闕客心南浦柳離
思西樓月留賞景不延感時芳易歇他晨有山
信一爲訪林樾

五言酬元主簿子球別贈

故人方遠適訪我陳別情此夜偶禪室一言了
無生覽君絨中寶如奉青玉瑛胡爲蘊高價歲

晚徒營營辭袂貧且病何人見艱貞出無黃金
橐空歌白序行威逢策駑馬獨望故關樹渺渺
千里心春風起中路近聞新拜命鸞鳳猶棲棘
勸君寄一杖且養冥冥翼甘泉多竹花明年待
君食

吞道素上人別

春色遍遠道寂寞閨中行碧水何渺渺白雲亦
英英離人不可望日暮芳洲情黃鶴有逸翮翹
首白雲傾欲爲山中侶肯秘遼天聲藍縷真子

褐歲蕤近臣纓以茲奪爾懷常恐道不成吾門
弟子中不減惠休名一性研已遠五言功更精
從君汗漫遊莫廢學無生忍草肯搖落禪枝不
枯榮采采慰長路知吾心不輕幻情有去住真
性無離別留取老桂枝歸來共攀折

雲溪館送韓明府章辭滿歸

洛令從告還故人東門餞惠愛三年積軒車一
夜遠曉月離館空秋風故山晚榮君有嘉薦願
我阻遊衍宿昔峯頂心依依不可卷

送穆寂赴舉

天子錫玄纁傾山禮隱淪君拋青霞去榮資觀
國賓劔光旣陸離瓊彩何璘玢風駕別情遠商
絃秋意新冥冥鴻鵠姿數尺看蒼旻殘冠近宋
郊西行惡颯塵立身素耿介處難思經綸春府
搜才日高科得一人

送張仲彛歸長沙

早聞凌雲彩謂在鴛鴦儔華髮始相遇滄江仍
旋遊策名忘苟進澹慮輕所求常服遠遊誠緬

懷經世謀片帆背風渚萬里還湘洲別望荆雲
積歸心漢水流蘭若行米米桂棹思悠悠宿昔
無機者爲君動離憂

秋日毗陵南寺送潘述之揚州

孤客秋易傷嘶蟬靜仍續佳晨亦已屢歡會常
不足禪地非路岐我心豈羈束情生遠別時坐
恨清景促望中千里隔暮歸西山曲蕭條月中
道彩藉原上綠不見同心人幽懷增躑躅

春日又送潘述之揚州

別渚望邗城歧路春日遍柔風吹楊柳芳景流
郊甸日日東林期今夕異鄉縣文房曠佳士禪
室阻清盼潘生曾受禪印離恨奪賞心不得諧所願莫
憶山中人碧雲遙可見

新秋送盧判官

故人念宿昔欲別增遠情入座炎氣屏爲君秋
景清由來空山客不怨離絃聲唯有暮蟬起相
思碧雲生

奉送袁高使君詔徵赴行在劾曹劉

體

皇心亭毒廣螫賊皆陶甄未刈蚩尤旗方同軒
后年天子幸漢中輾轅阻氛煙璽書召莫牧名
在列岳仙國難倚長城廟謀資大賢清損休汝
騎仁留述職篇遐路渺天末繁笳思河邊飾徒
促遠期祇命赴急宣謏才豈足稱深仁顧何偏
那堪臨流意千里望旗旃

奉送陸中丞長源詔徵入朝

詔下鄴侯幕徵賢寵上勳才當持漢典道可致

堯君藩牧今榮餞詩流此盛文水從吳渚別樹
向楚門分宿寺期嘉月看山識故雲歸心復何
柰託招悵在江濱

奉送中丞道昌入朝

文憲中司盛恩榮外鎮崇諸侯皆取則八使獨
推功詔喜新銜鳳車看舊飾熊去思今武子餘
教昔文翁清在如江水仁留是國風先徵二千
石掃第望司空

冬日送顏延之明府撫州覲叔父

臨川千里別惆悵上津橋日暮人歸盡山空雪
未消鄉雲心渺渺楚水路遙遙林下方歡會山
中獨寂寥天寒驚斷鴈江信望迴朝歲晚流芳
歇思君在此宵

五言送關小師還金陵

如何有歸思愛別欲忘難白鷺汀沙晚青龍水
寺寒蕉花鋪淨地桂子落空壇持此心為境應
堪月夜看

五言峴山送裴秀才赴舉

漢家招秀士峴上送君行萬里見秋色兩河傷
遠情王師出西鎬虜寇避東平天府登名後迴
看楚水清

弘秀 五言酬別襄陽詩僧少微 詩中卷上人歸夢之

意

證心何有夢示說夢歸頻文字齋秦本詩騷學
楚人蘭開衣上色柳向手中春別後須相見浮
雲是我身

五言送契上人遊揚州

英華

西陵古江口遠見東揚州淥水不同泛春山應
獨遊尋僧白巖寺望月謝家樓宿昔心期在人
寰非久留

五言送德清衛明府赴選 時柳黜陟有薦狀

八使慎求能東人獨薦君身猶千里限名已九
霄聞遠路翻喜別離言暫惜分鳳門多士會擁
珮入卿雲

五言送鄭孝廉淮西觀省

離袂翠華滿晨羞欲早行春風生楚樹曉角發

英華

法華文字
多宋秦本

隋城野霽濕衣綵江鴻增客情征途不用戒坐
見白波清

五言送沈秀之閩中

越客不成歌春風起淥波嶺重寒不到海近瘴
偏多野成枕榔發人家翡翠過翻疑此中好君
問定如何

五言送清會上人遊京

佳遊限衰疾一笑向西風思見青門外曾臨素
澹東峯明雲際寺時日出露寒宮館行道禪長

在香塵不染空

五言送沈居士還太原

辭鄉因世難家族盛南朝名重郊居賦
賦才高獨酌謠浪花飄一葉峯色向三條
高逸雖成性弓旌肯忘招

奉同顏使君真卿峴山送李法曹陽

冰西上獻書時會有詔徵赴京

漢日中郎妙周王太史才雲書捧日去鶴版下
天來草見吳洲發花思御苑開羊公惜風景欲

英華

英華

英華

英華

別幾遲迴

五言兵後送姚太祝赴選

兩河兵已偃處處見歸舟日夜故人散江皋芳
樹秋楚雲傷遠思秦月憶佳遊名動春官籍翩
翩才少儔

五言兵後送薛居士移家安吉

舊遊經喪亂道在復何人寒草心易折閑雲性
常真交情別後見詩句比來新向我桃州住惜
君東嶺春

五言送鄔儵之洪州覲兄弟

年少足詩情西江楚月清書囊山翠濕琴匣雪
花輕久別經離亂新正憶弟兄贈君題樂府為
是豫章行

五言送乾封李成

羽檄飛未息離情遠近同感君由泛瑟關我是
征鴻眇默歸人盡踈蕪夜渡空還期當歲晚獨
在路行中

五言送崔判官還揚子

輕傳祗遠役依依下姑亭秋聲滿楊柳暮色繞
郊堦煙水搖歸思山當楚驛青

奉酬袁使君西樓餞秦山人與書同
休辭乘未赴李侍御招三韻

秋風怨別情江守上西城行署寒流淺琴牕宿
雨晴治書招遠意知共楚狂行

送清涼上人
何意欲歸山道高由境勝花空覺性了月靜知
心證永夜出禪吟清猿自相應

送李丞使宣州

結駟何翩翩落葉暗寒渚夢裏春穀泉愁中洞
庭雨聊持剡山茗以代宜城醕

五言送至洪沙彌遊越

知爾學無生不應傷此別相逢宿我寺獨往遊
靈越早晚花會中經行剡山月

七言送皇甫侍御曾還丹陽別業

雲陽別夜憶春耕花發菱湖問去程積水悠揚
何處夢亂山稠疊此時情將離有月教絃斷贈

陸

陸

遠無蘭覺意輕朝方要君持漢典明年北墅可
須營

白蘋洲送洛陽李丞使還

英華

蘋洲北望楚山重千里迴輶止一封臨水情來
還共載看花醉去更相從罷官風渚何時別寄
隱雲陽幾處逢後會那應似疇昔年年覺老雪
山容

弘秀

送履霜上人還金陵西山

攜錫西山步綠莎禪心未了奈情何湘宮水寺

清秋夜月落風悲松栢多

送辨聰上人還廣陵

莫學休公學遠公了心須與我心同隋家古柳

數株在者取人間萬事空

送清勵上人遊福建

洪蓮經

禪子自矜禪性成將來擬照建溪清南看閩樹
花不落更取何緣了妄情

送顧道士遊洞庭山

見說洞庭無上路春遊亂踏五靈芝含桃風起

弘秀

英華

花狼籍正是仙翁碁散時

弘秀

送邢台州濟

海上仙山屬使君石橋琪樹古來聞
他時畫出白團扇乞取天台一片雲

送柳察諫議叔

東城南陌強經過怨別無心亦放歌
明日院公應問我閑雲長在石門多

送柳淡扶侍赴洪州

此子素少宦情
共予有西山之

青林身日好

好風悲林

醉矣了奈情何湘宮水寺

中林許師友忽阻夙心期自顧青緇好來將黃

鶴辭少年輕遠涉世道得無欺煙雨孤舟上晨

昏千里時離魂渺天末相望在江湄無限江南

柳春風卷亂絲

同李司直縱題武丘寺兼留諸公與

陸羽之無錫

陵寢成香阜禪枝出白楊劒池留故事月樹即

他方應世緣須別栖心趣不忘還將陸居士晨

發泛歸航

夏日題鄭谷江上納涼館

超遙山意外清風又對君若為於此地翻作路
歧分別館琴徒語前洲鶴自群明朝天畔遠何
處逐閑雲

太湖館送殷秀才赴舉

春風洞庭路搖蕩暮天多衰疾見芳草別離傷
遠波詩名推首薦賦甲擬前科數日聞天府山
衣製芟荷

中林特相送重釣上人遊天台青巖長來涉黃

黃

幽賞意

漸看華頂出幽意尚隨生十里行松色千重過
水聲海容雲正盡山態雪初晴事事將心證知
君道可成

早春送顏主簿遊越東兼謁元中丞

輕舸趣不已東風吹綠蘋欲看梅市雪知賞柳
家春別意傾吳醕芳聲動越人山陰三月會內
史得嘉賓

醕

同顏使君清明日遊因送蕭主簿

誰知賞嘉節別意忽相和暮色汀洲遍春情楊

蕭仇香

歲時

善

善

柳多高城戀旌旆極浦宿風波惆悵支山月今
宵不再過

送道琚上人還金陵

一與鍾山別山中得信稀
經年求法後及夏問
安歸野實充甘膳池花當綵衣
慈親莫返拜外禮欲无為違

送裴邕之上京

辭山偶世清挾策忽西行
帆過隨江疾衣沾楚雪輕
尚文須獻賦重道莫論兵
東觀令多事應

高白馬生

送珍上人還天竺兼寄廣通上人秦

山人

江寺名天竺多君躡遠蹤
春帆依柳浦輕履上蓮峯
禪子兼三隱空書共一封
因君達山信應向白雲逢

送張孝廉赴舉

名在諸生右家經見素風
春田休學稼秋賦出儒宮
別路殘雲濕離情晚桂叢
明年石渠署應

繼叔孫通

送劉司法之越州

蕭蕭鳴夜角驅馬背城濠雨後寒流急秋來朔

吹高三山期望海八月欲觀濤幾日西陵路應

逢謝法曹

送簡栖上人之建州親使君舅

亂峯江上色羨爾及秋行釋氏推真子郝家許

貴甥蠶花新雨淨帆葉好風輕千里依元舅迴

潮亦有情海人以木葉為帆

英華

英華

登開元寺樓送崔少府還平望驛

登望思慮積長亭樹連連悠揚下樓日香映傍

帆煙入夜四郊靜南湖月待船

送王居士游越

野性配雲泉詩情屬風景愛作爛漫游閑尋東

路永何山最好望頂上蕭然嶺

雜言重送皇甫侍御曾

人獨歸日將暮孤帆帶孤嶼遠水連遠樹難作

別時心還看別時路

送演上人之撫州親使君叔

臨川內史憐諸謝爾在生緣比惠宗遠別應將
秦本去幽尋定有楚僧逢停船夜坐親孤月把
錫秋行入亂峯便道須過大師寺白蓮池上訪
高蹤

送大寶上人歸楚山

厭上烏橋送別頻湖花爛漫望行人欲將夜舸
陪嘉月肯住空林伴老身獨鶴翩翩飛不定歸
雲蕭散會無因從何得道懷惆悵莫是人間屢

見春

送侯秀才南遊

芳草隨君自有情不關山色與猿聲為看嚴子
灘頭石曾憶題詩不著名

別洞庭維諒上人

白雲關我不關他此物留君情取多情着春風
生橘樹歸心不怕洞庭波

弟 康造錄事宅送太祝姪之虔吉訪兄

弟

阮咸別曲四座愁，賴是春風不是秋。
漫漫江行訪兄弟，猿聲幾夜宿蘆洲。

弘秀

冬日梅溪送裴方舟宣州

平明疋馬上村橋，花發梅溪雪未消。
日短天寒愁送客，楚山無限路迢迢。

送韋向睦州謁獨孤使君

才子南看多遠情，閑舟蕩漾任春行。
新安江色長如此，何似新安太守清。

送至嚴山人歸山

初到人間柳始陰，山書昨夜報春深。
朝朝花落幾株樹，惱殺禪僧未證心。

送僧遊揚州

平明擇鉢向風輕，正及隋堤柳色行。
知爾禪心還似我，故宮春物肯傷情。

杼山集卷第四

林山集卷第四 思愁頗是春風不是秋漫漫江行

訪兄弟猿聲夜宿盧洲

冬日梅溪送裴方舟宣州

平明尺馬上市村橋花發梅溪雪未消日短天寒

墨以殊好言春味首謝詩

平即鞞極向風舞玉以翻對吟也首吟爾軒心

才于而看並計茲縣出易深往春行新安江色

幾林樹對姝鞞對木齋

吟陸入間咄故劍出書即身聯香翠陳陳外卷

杼山集卷第五

書送百吳興釋

皎然清書撰



杼山集卷第五 吳興釋 皎然清書撰

世因主人序 風氣蘭香與直士以幽峯時鞠鞞

孟明常引支子元道人脩習禪心兼餌芝朮遂

與予有栖山之契其宦情未遣故勸勉之 携

手曾此分恍如隔胡越倫侯古封邑榮盛風雨

歇飢鼯號空亭野草生故轍如何此路歧更作

千里別馮軾望遠道春山無斷絕朝行入郢樹

夜泊依楚月佳士持操高揚才日招晰離言何
所贈盈滿有虧缺時節傷蟪蛄芳菲忌鷓鴣予
思鹿門隱心跡貴冥滅頽顏反芝朮昔貌成冰
雪歲晏期爾來銷聲坐巖穴

孟陽常侍別山詩并序

時因主人寄風溪蘭若與道士石脇峯相隣禪
僧仙師時得道會至秋中值外緣有請別山懷
舊遂有是詩

山翁亦好禪借我風溪樹採藥多近峯汲泉有



春渡幽僧時相偶仙子或與晤自許戰勝心彌
高獨遊步如何區中事奪我林栖趣辭山下復
上戀石行仍顧宿昔情或乖庶幾跡無誤松聲
莫相誚此心冥去住

五言同袁高使君送李判官使迴

庾公歡此別路遠意猶賒為出塘柳榮歸府
中花馳陽照古堞遙思疑寒笳延步下前渚沂
觴臨淺沙湖光引行色輕舸傍殘霞

五言陪顏使君餞宣諭蕭常侍



江濤凋瘵後遠使發天都昏墊宸心及哀矜詔
命敷恤民驅急傳訪舊枉征艫外鎮藩條取中
朝顧問殊文皆正風俗名共溢寰區已事方懷
闕歸期早戒塗繁笳咽水閣高蓋擁雲衢暮色
生千嶂秋聲入五湖離歌猶宛轉歸馭已踟躕
今夕庾公意西樓月亦孤

奉陪顏使君脩韻海畢東溪泛舟餞
諸侯崇魯學羔鴈日成群外史刊新韻中郎定

古文

魯公著書依切韻起
東字脚皆列古篆

菁華兼百氏繡素備

三墳國語思開物王言欲致君研精業已就歡
宴惜應分獨望西山去將身寄白雲

五言今上初登極歲送皇甫孝廉赴

選孝廉即故
大夫之子

行應會府春欲勸及芳辰北極天文正東風漢
律新少年逢聖代歡笑別情親况是勳庸後恩
榮襲爾身

五言同楊使君白蘋洲送陸侍御士

久愛吳興客來依道德藩旋師聞杖杜歸路憶
輾轅舊佩蒼玉在新歌白芷繁今朝天地靜北
望重飛翻

五言雪夜送海上人常州覲叔父上

人殷仲文後

繼世風流在傳心向一燈望雲裁袖慣翫雪步
花能交戰情忘久銷魂別未曾明朝阮家集知
有竹林僧

弘秀

五言送常清上人還舒州

濶徐林反人思爾法楚信有迴舡估客親宵語閑

鷗偶畫禪經聲含石激塵尾拂江煙常說歸山

意誅茅廬霍前

五言峴山送崔子向之宣州謁裴使

君

楚思入詩清晨登峴山情秋天水西寺古木宛
陵城琴匣應將往書車亦共行吾知江太守一
顧重君名

五言送嚴明府入關謁黎京兆

英華

春日異秋風何為怨別同潮迴芳渚沒花落晝
山空旅候聞嘶馬殘陽望斷鴻應思右內史相
見直城中

五言送丘秀才遊越

山情與詩思爛漫欲何從夜舸誰相逐空江月
自逢春期越草秀晴憶剡雲濃便擬將輕錫携
居入亂峯

五言送楊校書還濟源

妖烽昨日靜故里近嵩丘楚月搖歸夢江楓見
早秋鄉心無遠道北信減離憂禪子還無事辭
君買沃州

五言送楊遂初赴選

秋風吹別袂客思在長安若得臨觴醉何須減
瑟彈秉心凌竹柏伏信越波瀾春會文昌府思
君每北看

弘秀

五言送贇上人還京

微字

久遊春草盡還寄北船歸沙鳥窺中食江雲滿

英華

淨衣秦原山色近楚寺磬聲微見說翻經館多
聞似爾稀

五言送廣通上人遊江西

香爐七嶺秀秋色九江清自古多禪隱吾常愛
此行尋師經鄂渚受請到青城離別人間事何
關道者情

五言送羅判官還壽州幕

君章才五色知爾得家風故里旋歸駕壽春思
奉戎天寒長蛇伏颯烈文虎雄定頌張征虜桓

桓戡難功

五言送李秀才赴婺州招

山開江色上孤賞去應遲淶水近

楚詞猿清獨宿處木落遠行時見說東陽守登

樓為爾期

五言送薛逢之宣州謁廢使

六月鵬盡化鴻飛獨冥冥秋烽家不定險路客
頻經牛渚何時到漁船幾處停遙知詠史夜謝
守月中聽

出楚詞一
作楚詞

英平

五言送德守二叔姪上人還國清寺

覲師

道賢齊二阮俱向竹林歸古偈穿花線春裝卷
葉衣僧墟迴水寺佛隴啓山扉愛別吾何有人
心強有遠

五言同明府章送沈秀才還石門山

讀書

身為印令客心許楚山雲文墨應經世林泉漫
誘君欲隨樵子去惜與道流分肯謝申公輦治

詩事漢文

五言送吉判官還京赴崔尹幕

江南梅雨天別思極春前長路飛鳴鶴離帆聚
散煙清晨趨九陌秋色望三邊見說王都尹山
陽辟一賢

五言送裴判官赴商幕

商洛近京師才難赴幕時離歌紛白紵候騎擁
青絲會喜疲人息應逢猾虜衰看君策高足自
此煙霄期

五言送李喻之處士洪州謁曹王

獨思賢王府遂作豫章行
雄鎮廬霍秀高秋江漢清
見聞驚苦節艱故傷遠情
西邸延嘉士遺才得正平

五言送唐贊善遊越

田園臨漢水離亂寄隋關
今日煙塵盡東西又未還
長亭百越外孤棹五湖間
何處遊芳草雲門千萬山

五言送韋秀才

晨裝行墮葉萬里望桑乾
舊說涇關險猶聞易水寒
黃雲戰後積白草暮來看
近得君苗信時教旅思寬

五言送陳秀才赴舉

諸侯懼削地選士皆不羈
休隱脫荷芰將鳴於羽儀
甲科爭玉片詩句擬花枝
君實三楚秀承家有清規

五言烏程李明府水堂同盧使君
勿平送裝上人遊五臺

身將劉令隱經共謝公翻有此宗師在應知我
去存問心恒寂樂為別豈傷魂獨訪華泉去秋
風入鴈門

五言送李季良北歸

風吹殘柳絲孤客欲歸時掩抑楚絃絕離披湘
葉衰前軍猶轉戰故國杳難期北望鴈門雪空
吟平子詩

五言送淳于蘭陵覲省
歡言欲忘別風信忽相驚柳浦歸人思蘭陵春

草生擷芳心未及視枕戀常盈此去非長路還
如千里情

五言送至洪沙彌赴上元受戒

蔡州有梁戒壇

不肯資章甫勝衣被木蘭今隨秣陵信欲及蔡
州壇野寺鍾聲遠春山戒足寒歸來次第學應
見後心難

五言九日同盧使君幼平吳興郊外
送李司倉赴選

重陽千騎出送客為踟躕曠野多搖落寒山滿
路隅晴空懸舊^舊旆秋色起菱湖幾日登司會揚
才盛五都

五言送盧孟明還上都

江臯北風至歸客獨傷魂楚水逢鄉鴈平陵憶
故園征驂嘶別館落日隱寒原應及秦川望春
華滿國門

五言送李少賓赴舉

豈謂江南別心如塞上行苦雲搖陣色亂木攪

秋聲周谷雨未散漢河流尚橫春司遲爾策方
用靜妖兵

五言留別閻士和

不慣人間別多應忘別時逢山又逢水只畏却
來遲

五言送李道士

常隨山上下忽限江南北共是忘情人何由肯
相憶

七言送裴參軍還下邳舊居

北望煙鋪驃騎營，虜烽無火楚天晴。清此時千里
西歸客，泗上春風得及耕。

常對山立七言送文會上人還富陽
悠悠渺渺屬寒波，故寺思歸意若何。舟長憶孤洲
二三月，春山偏愛富春多。

七言送維諒上人歸洞庭
從來湖上勝人間，遠愛浮雲獨自還。
孤月空天見心地，寥寥之水鏡中山。

七言九月八日送蕭少府歸洪州

漢時

明日重陽今日歸，布帆絲雨望霏霏。
行過鶴渚知堪住，家在龍沙意有違。

七言同顏魯泛舟送皇甫侍御曾
維舟若許暫從容，送過重江不厭重。
霜簡別來今始見，雪山歸去又難逢。

五言送孫侍御游越

不知持斧客，吟會是何情。
丹陛恩猶在，滄洲賞暫行。
江橈隨月泛，山策逐雲行。
佳句傳零雨，詩流許盛名。

五言送顏處士還長沙觀省

英華

西候風信起三湘孤客心天寒漢水廣鄉遠楚
雲深服綵將侍膳擷芳思滿襟歸人忘艱阻別
恨獨何任

志難

五言送還本上人遊江西

欲廣分何教心將江漢期雲招望寺處月待泝
盃時真侶誰傷別降猿汝自悲多應過廬阜幽
賞却來遲

五言送路少府使京兼覲侍御兄

英華

國賦推能吏今朝發貢湖佇瞻雙闕鳳思見栢
臺烏樹向秦關遠江分楚驛孤榮君有兄弟相
繼騁長途

五言於武原從送盧士舉

落日獨歸客空山走馬嘶蕭條古關外岐路更
東西大澤雲寂寂長亭兩淒淒君還到湘水寒
夜滿猿啼

五言送烏程李明府得陟狀赴京

英華

驛吏滿江城深仁見此情士林推玉振公府薦

水清為政移風久承恩就日行仲容綸綍貴南
巷有光榮

五言送裴秀才往會稽山讀書

一身齋萬卷編室寄煙蘿硯滴穿池小書衣種
楮多吟詩山響答泛瑟竹聲和鶴板求儒術深
居意若何

五言送崔啓事論之上都

崔嘗典吳興

金虎城池在銅龍劔珮新重看前浦柳猶憶舊
洲蘋遠思秦雲暮歸心臘月春青園昔遊處惆

悵別離人

五言京口送盧孟明還揚州

蕭蕭北風起孤棹下江濱暮客去來盡春流南
北分萋萋御亭草渺渺蕪城雲相送日千里空
山獨望君

五言送沙彌大智游五臺

童年隨法侶家世本儒流章句三生學清涼萬
里游雲歸龍沼暗木落鴈門秋長老應相問傳
予向祖州

憶相待

葉華

五言送稟上人遊越

雲泉誰不賞獨見爾情高投石輕龍窟臨流笑
鷺濤折荷為片席灑水淨方袍剎路逢禪侶多
應問我曹

五言送潘秀才之舒州

楚水清風生揚舲泛月行荻洲寒露彩雷岸曙
潮聲東道思才子西人望客卿從來金谷集相
繼有詩名

五言送王山人遊廬山

千里訪靈竒山資亦相隨葉舟過鶴市花漏宿
龍池峯頂應閑散人間足別離白雲將世事吾
見爾心知

五言送道契上人之越覲大夫叔

楚僧推後輩唐本學新經外國傳香艷何人施
竹瓶秋風別李寺春日向柯亭大阮今為郡看
君眼最青

五言送沙彌長文遊京

白版年猶小黃花褐已通若為詩思逸早欲似

休公邁俗多真氣傳家有素風應須學心地宗旨在關東

五言秋日送擇高上人往江西謁曹王

超然獨遊趣無限別山情予病不同賞雲閑應
共行齋容秋水照香巵早風輕曾被陳王識遙
知江上迎

七言送如獻上人遊長安

關中四子教猶存見說新經待爾翻為法應過

七祖寺忘名不到五侯門閑尋鄠杜看脩竹獨
上風涼望古原高逸詩情無別怨春遊從遣落
花繁

七言日曜上人還潤州

送君何處最堪思孤月停空欲別時露茗猶芳
邀重會寒花落盡不成期鶴令先去看山近雲
愛初飛到寺遲莫倚禪功放心定蕭家陵樹誤
人悲

七言寺院聽胡笳送李殷

一奏胡笳客未停野僧還欲廢禪聽難將此意
臨江別無限春風葭莢青

受師乘徑七言送僧繹

斜日搖揚在柳絲孤亭寂寂水逶迤誰堪別後
行人盡唯有春風起路歧

共行齋食七言荅裴評事澄荻花間送梁肅拾

亦無上道遺

波上荻花非雪花江飛風吹撩亂滿袈裟如今歲晏
無芳草獨對離樽作物華

林山集卷七言送勝雲小師

昨日雪山記爾名吾今坐石已三生少年道性
易流動莫遣秋風入別情

土表蘇舍雜言誚士和別

今日同明日隔何事悠悠久為客君憐溪上去
來雲我羨磷磷水中石

五言送吳馮遊京

北期何意促蕙草夜來繁清月思淮水春風望
國門此時休旋逸萬里忽飛翻若憶山陰會孤

琴為我援

琴為我援 琴為我援 琴為我援 琴為我援 琴為我援

楚山千里一僧行 念爾初緣道未成 莫向舒姑

泉口泊此中 嗚咽為傷情

五言宿支硎寺上房

上房精舍遠 共宿白雲端 寂寞千峯夜 蕭條萬

木寒山光霜下見 松色月中看 却欲西林別 歸

心即欲開

杼山集卷第五

英華

杼山集卷第六



吳興釋人皎然和清晝下撰

五言從軍行五首

雙候騎出紛紛元戎霍冠軍漢鞞秋眊地羗火晝

燒雲萬里戎城合三邊羽檄分烏孫驅不盡肯

一黑
顧遼陽勳

韓旆拂丹霄漢軍新破遼紅塵驅鹵簿白羽擁

嫖姚戰若軍猶樂功高將不驕至今丁零塞朔

吹空蕭蕭

百萬逐呼韓頻年不解鞍兵屯絕漠暗馬飲濁
河乾破虜功未錄勞師力已殫須防肘腋下飛
禍出無端
飛將下天來奇謀聞外裁水心龍劍動地肺鴈
山開望氣燕師銳當鋒虜陳摧從今射鵰騎不
敢過雲堆
弘秀
黃紙君王詔青泥校尉書誓師張虎落選將擐
犀渠霧暗津蒲失天寒塞柳踈橫行十萬騎欲
掃虜塵餘

五言隴頭水二首

弘秀
隴頭水欲絕隴水不堪聞碎影搖槍壘寒聲咽
慢軍素從鹽海積綠帶柳城分日落天邊望透
迤入塞雲

秦隴逼玄羗征人去未央如何幽咽水併欲斷
君腸西注悲窮漠東分憶故鄉旅魂聲攪亂無
夢到咸陽

弘秀

七言塞下曲二首

寒塞無因見落梅胡人吹入笛聲來勞勞亭上

哀

樂府

春應度夜夜城南戰未迴
都護今年破武威胡沙萬里鳥空飛旄竿瀚海
掃雲出氍騎天山踏雪歸

五言覽史

黃綺皆皓髮秦時隱商山嘉謀匡帝道高步遊
天關不愛珪組紕却思林壑還放歌長松下日
與孤雲閑

五言詠史

獨負高世姿冥冥寄浮俗卜子去不歸何人辨

荆玉鬻春意不淺汚迹身豈辱鸞鏡樂述遭虬
蟠甘窘束五噫譎且正可以見心曲

雜言詠史

田氏門下客馮公衆中賤一朝市義還百代名
獨擅始知下客不可輕能使主人切業成借問
高車與珠履何如卑賤一書生

五言讀張曲江集

相公乃天益人文佐王成立程正頽靡繹思何
縱橫春杼弄緗綺陽林敷玉英飄然飛動安邈

矣高簡情後輩驚失步前脩敢爭衡始忻目
遠再使機慮清體正力已全理精識何妙昔年
歌陽春徒推郢中調今朝聽鸞鳳豈獨蘇門嘯
帝命鎮雒州待濟寄上流才兼荆衡秀氣助瀟
湘秋逸蕩子山足經竒文暢儔沉吟未終卷變
態紛難數曜耳代明璫襲衣同芳杜惜惜聞玉
磬寤寐在靈府

五言奉酬陸使君見過各賦院中一
物得江蘿

江蘿生古砌花每落禪床嘉客未採掇空門自
馨香名因詩日見色對道心忘不遇陸內史誰
知殊衆芳

五言賦得謝墅送王長史
其墅即畫
七代祖吳

興守
舊居

世業西山墅移家長我身蕭疎遺樹老寂寞廢
田春車巷傷前轍離溝憶舊隣何堪再過日更
送北歸人

五言夏日同崔使君論登城樓賦得

遠山

遠山湖上小青翠望依稀
繞向窻中列還從林表
微色濃春草在峯起
夏雲歸不是蓬萊島如
何人去稀

五言詠數探得七

鄒子談天歲黃童對日
年求真初作傳鍊魄已
成仙鶴駕迎緱嶺星橋
下蜀川逢君竹林客相
對弄清絃

五言奉同顏使君真卿送李侍御萼

來歸秋風賦得荻塘路

落日車遥遥客心在歸路
細草暗回塘春泉縈古渡
遺蹤嘆蕪沒遠道悲去住
寂寞荻花空行人別無數

五言賦顏氏古今一事得晉仙傳送

顏逸 梁湘東王國常侍顏協著晉仙傳五篇

曾看顏氏傳多記晉時仙
却憶桐君老俱還桂父年
青春留鬢髮白日向雲煙
遠別賫遺簡囊中有幾篇

英華

英華

五言賦得石梁泉送崔遠

英華

架石通霞壁懸崖散碧沙
天晴虹影渡風細練
文斜舉陟幽期阻
泂客意賒河梁非此路
別恨亦無涯

五言賦得夜雨滴空階送陸羽歸龍

山同字

英華

閉階夜雨滴偏入別情中
斷續清猿應淋漓候
館空氣令煩慮散時與早秋
同歸客龍山道東
來雜好風

五言賦得燈心送李侍御萼

光字

燈心生眾草因有始知芳
綵妓窻偏麗金挑動
更香花驚春未盡燭喜夜初長
別後空離室何人借末光

五言賦得竹如意送詳師赴講

青字

縹竹湘南美吾師尚毀形
仍留負霜節不變在林青
每入楊枝手因談貝葉經
誰期沃洲講持此別東亭

五言聽素法師講法華經

英華

法子出西秦名齊漆道人纔敷藥草義便見雪
山春護講龍來遠聞經鶴下頻應機如一兩誰
不滌心塵

五言詠敷上人座右畫松

寫得長松意千尋數尺中翠陰疑背日寒色欲
生風真樹孤標在高人立操同一枝遙可折吾
欲問生公

弘秀

五言夏日登觀農樓和崔使君詠微雨

英華

片雨拂簷楹煩襟四坐清霏微過麥隴蕭散傍

酒

莎城靜愛和花落幽聞入竹聲朝觀趣無限高
詠寄深情

英華

見高僧詩

五言妙喜寺達公院賦得夜磬送呂

評事

英華

一磬寒山至凝心轉清越細和虛籟盡踈繞懸
泉發在夜吟更長停空韻難絕幽僧悟深定歸
客志遠別寂歷無性中真聲何起滅

五言詠小瀑布

瀑布小更奇潺湲二三尺細脉穿亂沙叢取聲咽

危石初因智者賞果會幽人迹不向定中聞
知我心寂

五言仙女臺仙字

寂寞舊桑田宋誰家女得仙何時應無雞犬在空有子
孫傳古木花猶發荒臺月尚懸路未還暮來雲一片低不散疑
是却歸年

五言靈澈上人何山寺七賢石詩

七石配七賢隱僧山上移石性殊磊落君子又
高竒跂禪服宜壞坐客冠可隳夜倚月樹影晝

傾風竹枝集質患追琢表頑用磷緇佚火玉亦
害塊然長在茲

五言潘丞孩子

愛子性情竒初生玉樹枝入曾天上見名向月
中知我識嬰兒意何須待佩觿

五言南池雜詠五首并序

余草堂在池上洲昔柳吳興詩汀洲採白蘋即
此地也左右雲山滿目一坐遂有終焉之志會
廣德中寇盜淮海騷動宵人肆志吾屬不安因

賦南池五詠聊以自適

北山志水月

夜夜池上觀禪身坐月邊虛無色可取皎潔意
難傳若向空心了長如影正圓

溪雲

舒卷意何窮縈流復帶空有形不累物無迹去
隨風莫恠長相逐飄然與我同

虛舟

虛舟動又靜忽似去逢時觸物知無迂為梁辛

見遺因風到此岸非有濟川期

寒山

侵空撩亂色獨愛我中峯無事負輕策閑行躡
幽蹤衆山搖落盡寒翠更重重

寒竹

裊裊孤生竹獨立山中雪蒼翠搖動風嬋娟帶
寒月狂花不相似還共凌冬發

度前溪

不意入前溪愛溪從錯路清清鑿不足非是深

英華

英華

英華

英華

難度

望遠村

林杪不可分水步遙難辨一片山翠邊依稀見
村遠

惜暮景

踈陰花下動片景松梢度夏日舊來長佳遊何

易暮

待山月

夜夜憶故人長教山月待今宵故人至山月君

弘秀

何在

五言効古 天寶十四年

文粹

日出天地正煌煌闢晨曦六龍驅群動古今無
盡時夸父亦何愚競走先自疲飲乾咸池水折
盡扶桑枝渴死化燭火嗟嗟徒爾為空留鄧林
在折盡令人嗤

雜言古別離 代人答閻士和

樂府 英華

太湖三山口吳王在時道寂寞千載心無人見
春草誰識緘怨者持此傷懷抱孤舟畏狂風一

堪忍緘怨者持

夜宿煙島望所思點若何月蕩漾兮空波雲離
離兮北斷鴻鴻眇眇兮南多身去兮天畔心折兮
湖岸春風胡為兮塞路使我歸夢兮撩亂

五言擬長安春詞

春信在河源春風蕩妾魂春歌雜鶉鴉春夢繞
鞦韆春絮愁偏滿春絲悶更繁春期不可定春
曲懶新翻玉對對關身六暗聽報連古今無

七言效古

天寶十四年

思君轉戰度交河強弄胡琴不成曲日落應愁

隴底難春來定夢江南數萬丈游絲是妾心惹
蝶紫花亂相續

七言昭君怨

自倚嬋娟望主恩誰知美惡忽相翻黃金不買
漢宮貌青塚空埋胡地魂

七言銅雀妓

強開樽酒向陵看憶得君王舊日歡不覺餘歌
悲自斷非關艷曲轉聲難

七言長門怨

春風日日閉長門搖蕩春心似夢魂誰遣花開
只笑妾不如桃李正無言

五言哭吳縣房聳明府

仁人邁厚德可謂名實全撫迹若踈曠會心極
精研履危節詎屈廣德初江南寇盜充斥賦通賊通
郡宰長城縣屢至害而竟不
就著論識不偏公著道性恨以榮級淺嘉猷未
及宣伊人期遠大志業難比肩昭世既合并吾
君藉陶甄柰何明明理與善徒空詮微教或稽
聖窮源反問天一官自吳邑六駟委江壖始是牽

絲日翻成撤瑟年金膏果不就

房公昔日就沈道士學長生之

術畫以佛理難之

玉珮長此捐倚伏信冥

昧天脩驚後

壽

先安知忘情子愛網素已褰為有深仁感遂令

真性遷心悲空林下淚灑秋景前夫子寡兄弟

撫孤傷藐然傾雲為慘結吊鶴共聯翩割念命

歸駕訣詞向空筵樹桃陰始合愛客位常懸帆

然遠行時崇望歸朝旋悟茲歡宴隔哀被歲月

延書帶變芳草履痕移綠錢冥期儻可逢生盡

會無緣

王坦之與生法師為冥期前死者歸報其罪福

幸願示因業代

君運精專沈約死後冥中見十因師云相思轉

寂寞獨往西林泉欲見故人心時閱所贈篇素開

高陶靖節今重楚先賢芳躅將遺愛可為終古

傳謝靈運同白雲寺詩

五言哭覺上人時綽劉中

憶君南適越不作買山期昨得耶溪信翻為逝

水悲神交如可見生盡香香難思白日東林下空

懷步影時王履舟北館詩

五言題餘不溪廢寺趙士景詩

武原離亂後真界積塵埃殘月生秋水悲風起
故臺居人今已盡栖鴿暝還來不到無生理應
堪賦七哀

五言同李洗馬入餘不溪經辛將軍
故城萬里無處

惻惻寒城望將軍下世時高壠暮草滿大樹野
風悲壁壘今惟在動庸近可思蒼然古溪上川
逝共悽其自

五言憶天台東風對石

英華

英華

英華

箬溪朝雨散雲色似天台應是東風便吹從海
上來靈山遊汗漫仙石過莓苔誤到人間世經
年不早迴

五言萬回寺

萬里稱逆化愚惹性亦全紫紱拖身上妖姬安
膝邊見他拘坐寂故我是眠禪吾知至人心香
若青冥天

五言禪詩

萬法出無門紛紛使智昏徒稱誰氏子獨立天

地元實際且何有物先安可存須知不動念照
出萬重源

五言衰教

本師不得已強爲我著書知盡百慮遣名存萬
象拘如何工言子終日論虛無伊人獨冥冥時
人以爲愚

五言聞鐘

古寺寒山上遠鐘揚好風聲餘月樹動響盡霜
天空永夜一禪子泠然心境中

五言溪上月

秋水月娟娟初生色界天
蟾光散浦淑素影動
淪漣何事無心見虧盈向夜禪

共精

五言山雪

夕陽在西峯疊翠縈殘雪
狂風卷絮迴驚猿攀
玉折何意山中人誤報山花發

弘秀

雜言江上風

江風西復東飄暴忽何窮
初生虛無際稍起蕩
漾中應吹夏口檣竿折
定蹙溢城浪花咽今朝

英華

沙邊明

莫恠沙岸崩昨夜聲狂卷成雪

雜言山雨

一片雨山半晴長風吹落西山上
滿樹蕭蕭心耳清雲鶴驚亂下水香凝
不然風迴雨定芭蕉濕一滴時時入畫禪

英華

雜言問遙山禪老

天與松子壽獨飲日月精
復令顏子賢胡為天
其生吾將尋河源上天問天何不平
吾將詰仙老大道無私誰強名
仙老難逢天不近世人何

英華

英華

人解應盡明朝欲向趨頭山問取禪公此義還

五言禪思

真我性無主誰為塵識昏柰何求其本若拔大
木根妄以一念動勢如千波翻傷哉子桑扈蟲
臂徒虛言神威與外論宗邪生異源空何妨色
在妙豈廢身存寂滅本非寂誼諱曾未諳嗟嗟
世上禪不共智者論

七言支公詩

支公養馬復養鶴率性無機多脫略天生支公

弘秀

羈

英華

與凡異凡情不到支公地得道由來天上仙為
僧却下人間寺道家諸子論自然此公唯許道
遙篇山陰詩友誼四座佳句縱橫不廢禪

七言述夢

夢中歸見西陵雪渺渺茫茫行路絕覺來還在
剡東峯鄉心繚繞愁夜鍾寺北禪崗猶記得夢
歸長見山重重

七言赤松

緣岸蒙籠出見天晴沙瀝瀝水濺濺何處羽人

長洗藥殘花無數逐流泉

七言戲題松樹

為愛松聲聽不足每逢松樹遂忘還
脩然此外更何事笑向閑雲似我閑

七言戲題二首

看飲逢歌日屢曛我身何似繫浮雲
時人不解野僧意歸去溪頭作鳥群
喧喧共在是非間終日誰知我自閑
偶客狂歌何所為欲於人事強相關

五言雜寓興

嗟嗟號呶子世稱謫仙儔媚俗被蛟
綃欺天薦昫脩奔景謂可致馳齡言易
流燕昭昧往事羸政亡前籌三山果不
見九仙忽悠悠君看牛山樂君見麋浦
遊昨日千金子聯綿成古丘居將攬明
月照尔生死流至樂亭爰居慙貽達者
尤冥冥光塵內機喪成海漚

五言雜興六首

吾觀談天客工言喪其精萬物資廣庇
此中何

有情若為昧顏跖脩短怨太清高論讓郗子放
詞徵屈生請從象外推至論尤明明

短齡役長世擾擾悟不早嬪女身後空歡娛夢

中好從教西陵樹千載傷懷抱鶴駕何冥冥鼇

洲去浩浩柔顏感三花凋發悲蔓草月中伐桂

人是誰翻使年年不衰老

誰高齊公子泣聽雍門琴死且何足傷殊非達

人心獨高庭中鶴意遠貴氛埃有時青冥遊顧

我還下來白雲琅玕色一片生虛無此物若無

心若何卷還舒

疎散遂吾性栖山更無機寥寥高松下獨有閑

雲歸精意不可道冥然還掩扉

五言偶然五首

樂禪心似蕩吾道不相妨獨悟歌還笑誰言老

更狂

偶然寂無喧吾了心性源可嫌虫食木不笑鳥

能言

隱心不隱迹却欲住人寰欠樹移春樹無山看

畫山居喧我未錯真意在其間
虜語嫌不學胡音從不翻說禪
顛倒是樂殺殺金

王孫

真隱須無矯忘名要似愚只將兩條事空却漢

潛夫

五言問天五首

天公何時有談者皆不經誰道賢人死今為傳

說星

五言寓言

吾道本無我未曾嫌世人如今到城市彌覺此

心真

五言前溪作

春歌已寂寂古水自涓涓徒誤時人輩傷心作

逝川

五言戲作

乞我百萬金封我異姓王不如獨悟時大笑放

清狂

雜言浮雲三章并序

浮雲刺讒也蓋取夫盛明之時為浮雲所蒙非
不明也小人比於君側讒言熒惑亦如浮雲之
害明予覽古史極觀君臣之際敗亡之兆生於
讒慝遂作是詩

浮雲浮雲集于扶桑扶桑茫茫日暮之光匪日
之暮浮雲之汙嗟我懷人憂心如蠹
浮雲浮雲集于咸池咸池微微日昊之時匪日
之昊浮雲之惑嗟我懷人憂心如織
浮雲浮雲集于高春高春濛濛日夕之容匪日

之夕浮雲之積嗟我懷人憂心如愁

七言寓言

人生百年我過半天生才定不可換東海釣鼇
鼇不食南山坐石石欲爛

五言若邪春興

春生若耶水雨後滂流通芳草行無盡清源去
不窮野煙迷極浦斜日起微風數處乘流望依
稀似剡中

五言晨登樂遊原望終南積雪

凌晨擁弊表徑上閑古原頭雪霽山疑近天高思
若浮瓊峰埋積翠玉嶂掩飛流曜彩含朝日搖
光奪寸眸寒空標瑞色爽氣襲皇州清眺何人
得終當獨再遊

杼山集卷第六

杼山集卷第七

吳興釋皎然清晝七撰

吊靈均詞

昧天道兮有無聽汨

音覓渚兮躊躇期靈均兮若

存問神理兮何如願君精兮為月出孤影兮示

予天獨何兮有君君在萬兮不群既水心兮皎

潔上問天兮胡不聞天不聞神莫覩若雲冥冥

兮雷霆怒蕭條杳眇兮餘草莽古山春兮為誰

今猿哀兮何思風激冽兮楚竹死國殤人悲兮

雨颼颼雨颼颼兮望君時光茫蕩漾兮化為水
萬古忠貞兮徒爾為

步虛詞

予因覽真訣遂感西城君玉皇下青冥人間未
曾聞日華鍊精魄魄精魄魄無垢氣謂我有仙骨且
令餌氤氲俯仰媿靈顏願隨鸞鶴群俄然動風
馭縹眇歸青雲

奉應顏尚書真卿觀玄真子置酒張

樂舞破陣畫洞庭三山歌

道流迹異人共驚寄向畫中觀道情如何萬象
自心出而心澹然無所營手援毫足蹈節披鱗
灑墨稱麗絕石文亂點急管催雲態徐揮慢歌
發樂諧綴酒酣狂更好攢峯若雨縱橫掃尺波
澶漫意無涯片嶺峻增勢將倒眎矚方知造境
難象忘神遇非筆端昨日幽竒湖上見今朝舒
卷手中看興餘輕拂遠天色曾向峯東海邊識
秋空暮景颼颼容翻疑是真畫不得顏公素高
山水意常恨三山不可至賞君狂畫忘遠遊不

出軒墀坐蒼翠

荅韋山人隱起龍文藥瓢歌

野人藥瓢天下絕全如渾金割如月彪炳文章
智使然生成在我不在天若言有物不由物何
意中虛道性全韋生能詩兼好異獲此靈瓢遠
相遺仙侯玉帖人漫傳若士青囊世何秘一捧
一開如見君藥盛五色香氣氤背上驪龍蟠不
睡張鱗擺領生風雲世人強知金丹道默仙不
成穢仙老年少紛如陌上塵不見吾瓢盡枯槁

聊將繫肘步何輕便有三山孤鶴情東方小兒
之此物遂令仙籍獨無名

桃花石枕歌贈康從事

卞山幽石產竒璞荆人至死採不着何人琢枕
持贈君片片桃花開未落劔工見兮可為劔

石鐵可
鑄為劔

玉工辯兮知非石至寶由來覽者稀今

君獨鑒應欲惜何辭集與章天真幸得提携近
玉人可中弃置君不顧天生秀色徒璘玢四座
喧喧爭目悅巧過造化稱一絕莫言昨日因錯

磨看取從來無點缺六月江南暑未闌一尺花
冰試枕看高窓正午風颯變室中不減春天寒
主人所重重枕德文章外飾徒相惑更有堅貞
不易心與君天下為士則

張伯英草書歌

伯英死後生伯高朝看手把山中毫先賢草律
我草狂風雲陣發愁鍾王須臾變態皆自我象
形類物無不可閭風遊雲千萬朵驚龍蹴踏飛
欲墮更覩鄧林花落朝狂風亂攪何飄飄有時

英華

凝然筆空握情在寥天獨飛鶴有時取勢氣更

高憶得春江千里濤張生

草

絕難再遇

王少令
草書古

今稱
草絕

草罷臨風展輕素陰慘陽舒如有道鬼狀

魑容若可懼

寒栖子歌

曾居廬山欲有
事羅浮之行

君在廬山知有疑是鶴又是雲生死塵埃汗不
得眼前榮利徒紛紛今日惠然來訪我酒榼書
囊肩背荷拂除衣上餌煙霞昨夜胥門宿蔡家
天然不飲亦不食拋名換姓覓不得且向人間

作酒仙不肯將身生羽翼停形為餌天地根
息道世人皆死我獨存沈慮因答清明錄世人皆
貪我常足栖子妙今道已成手把玄桓心運冥
能令鬼哭神敢靈身如飄風不可絆朝遊崆峒
夕汗漫向來坐客猶未散忽憶羅浮欲去時遙
指孤雲作路岐海上仙遊不可見人間日落空
桑枝

舊詩晉春翔隼歌送王端公
古人賞神駿何如秋隼擊獨立高標望霜翻應

看天宇如咫尺任迴拂地凌風翔鵬鷃敢下鴈
斷行晴空回顧忽不見有時獨出青霞傍窮陰
萬里落寒日氣殺草枯增奮逸雲塞斜飛攬葉
迷雪天直上穿花疾見君高情有所屬贈別因
歌翔隼曲離亭慘慘客散時歌盡路長意不足
白雲歌寄陸中丞使君長源
一見西山雲使人情意遠憑高發詠何超遙道
妙如君有舒卷縈空疊景多麗容衆峯峯上自
為峯潔白不由陰雨積高明肯共雜煙重萬物

有形皆有着白雲有形無繫縛黃金被爍玉亦
瑕一片飄然汗不得或逢天下或人間人自營
營雲自開忽然飛去莫能攀逸民對雲効高致
禪子逢雲增道意白雲遇物無偏頗自是人心
見同異閭闔天門宜曙看為纓作蓋擁千官從
龍合沓臨清暑殿就日逶迤繞露寒宮誰伶西
山雲亭亭處幽絕坐石長春非我羈手中欲攬
待君說貞白先生那得知解只向空山自怡悅

裴端公使君清席賦得青桂歌送徐

長史

昔年攀桂為留人今朝攀桂送歸客秋風桃李
搖落盡為君青青伴松柏謝公南樓送客還高
歌桂樹凌寒山應憐獨秀空林上空賞敷華積
雪間昨夜一枝生在月嬋娟可望不可折若為
天上堪贈行徒使亭停照離別

弘秀

周長史昉畫毗沙門天王歌

長史畫神獨感神高步區中無兩人雅而逸高
且真形生虛無忽可親降魔大戟縮在手倚天

長劍橫諸紳慈威示物雖凜凜在德無秋唯有
春吾知真象本非色此中妙用君心得苟能下
筆合神造誤點一點亦爲道寫出霜鱗可舒卷
何人應識此情遠秋齊清寂無外物盟手焚香
聊自展憶昔胡兵圍未解感得此神天上下至
今雲旗圖我形爲君一顧煙塵清

奉和顏魯公真卿落玄真子舴艋舟

楚章華臺成影
歌願諸侯落之

滄浪子後玄真子冥冥釣隱江之汜剝木新成

舴艋舟諸侯落舟自茲始得道身不繫無機舟
亦閑從水遠逝兮任風還朝五湖兮夕三山停
綸乍入芙蓉浦擊汰時過明月灣太公取璜我
不取龍伯釣鼈我不釣竹竿媢媢魚筮筮此中
自得還自笑汗漫一遊何可期後來誰遇冰雪
姿上古初聞出堯世今朝還見在堯時

鄭容全成蛟形木杙歌

萬物貴天然不可得渾朴無勞剗剗工幽姿自
可蛟龍質欲騰未去何翩翩揚袂爭前誰敢拂

可中風雨一朝至還應不是池中物蒼山萬重
採一枝形如噐車生意竒風號雨噴心不折衆
木千叢君獨知廣德中鄭生避賦吳與毗山高
於稠人之中遇予獨見稱賞
人心多越格有時就月吟春風持來座右驚神
客愛君開閣江之濱白雲黃鶴長相親南郭子
綦我不識非君獨是是何人

奉同

顏使君真卿清風樓賦得洞庭歌送
吳鍊師歸林屋洞

名山洞府到金庭三十六洞稱最靈不有古仙
啓其祕今日安知靈寶經中山鍊師栖白雲道
成仙秩号元君安之高仙者有元君次有三千
夫人元有君秩比左仙公
甲子朝玉帝世上如今名始聞吐納青牙養肌
髮花冠玉舄何高潔不聞天上来謫仙自是人
間授真訣吳興太守道家流仙師遠放清風樓
應將內景還飛去且從分風當此留湖之山方
樓上見山冥冥兮水悠悠世人不到君自到縹
緲仙都誰與儔黃鶴孤雲天上物物外飄然自

天足一別千年未可期仙家不數人間日

弘秀 蔓銅椀為龍吟歌并序

唐故太尉房公瑄早歲常隱終南山峻壁之下
往往聞龍吟聲清而靜滌人邪想時有好事僧
潛蔓之以三金寫之唯銅聲酷似他日房公偶
至山寺聞林嶺間有此聲乃曰龍吟復遷于茲
矣僧因出其器以告公命蔓之驚曰真龍吟也
大曆十三祀秦僧傳至桐江手使童兒蔓金倣
之亦不減秦聲也緇人或有譏者曰此達僧之

聽專一境則衆音不聞
非方響之區聲也

事可以嬉禪爾曹無以瑣行自拘因賦龍吟歌
以見其意逸僧蔓椀為龍吟世上未曾聞此音
一從太尉房公賞遂使秦人傳至今初蔓徐徐
聲漸顯樂音章不管何人辨似出龍泉萬丈底乍
恠聲來近而遠未必全由蔓者功真生虛無非
椀中寥亮掩清狷况縈迴凌細風遙聞不斷在煙
杪萬籟無聲天境空聽專一境則衆音乍向天
台宿華頂秋宵一吟更清迥能令聽者易常性
憂人忘蔓躁人靜今日鏗鏗江上聞蛟螭奔飛

如得群聲過陰嶺忽成雨響駐晴天將起雲坐
來吟盡空江碧却尋向者聽無跡人生萬事將
此同暮賤朝榮動還寂

飲茶歌請崔石使君

越人遺我剡溪茗採得金牙纈金鼎素瓷雪色
縹沫香何似諸仙瓊藥漿一飲滌昏寐情來朗
爽滿天地再飲清我神忽如飛雨灑輕塵三飲
便得道何須苦心破煩惱此物清高世莫知世
人飲酒多自欺徒愁看畢卓甕間夜笑向陶潛籬

下時崔侯啜之意不已狂歌一曲驚人耳孰知
茶道全爾真唯有丹丘得如此

買藥歌送楊山人

華陰少年何所希欲餌丹砂化骨飛江南藥少
淮南有暫別胥門上京口京口斜通江水流徘徊
應上青山頭夜驚潮沒鸕鷀堰朝看日出芙蓉樓
搖蕩春風亂帆影片雲無數是揚州揚州
喧喧賣藥市浮俗無由識仙子荷問姹女直千
金紫陽夫人服不死吾於此道復何如昨朝新

得蓬萊書

薛卿教長行歌

時量移湖州別駕

英華

桂楊仙柳道家說昔傳蘇君今是薛聊將握槊
偶時人便被人間稱冠絕黃楊文局龜螭蟠琢
成骰子雙琅玕初疑月破雲中墮復恠星移指
下攢誰識兵奇勢可保坐看將軍上一道長行
軍有時彩王去聲非所希笑擎單于出重圍鳧鷖
隼擊疾若飛左顧右眇生光輝家本聯姻漢戚
里身是長安貴公子名高藝絕何翩翩幾迴決

勝君王前扈遊長樂與祈年人望青雲白日邊
謫宦江南歲陰晚還將此道聊自遣由來君子
行最長長行經有君子行小人行予亦知君寄心遠

桃花石枕歌送安吉康丞

英華

安吉古桃州也今為吳興右扈士遐副焉於南
山獲桃花石異而重之珎于席上士遐將赴京
師故帥詩人以君所寶之物高歌贈行
君吏桃州尚奇跡桃州採得桃花石爛疑朝日
照已舒含似春風吹未坼珎璋特達世所珎吾

知此物亦其倫應羨花開不凋悴應嘉玉片無
緇磷立性堅剛平若砥君子偏將交道比何人
亦秉堅剛姿吾見君心得如此君心所好我獨
知別多見少長相思從來賞翫安左右萬里提
携君莫辭

賦得吳王送女潮歌送李判官之河

中府

見說吳王送女時行宮直到荆溪口溪上千年
送女潮為感吳王至今有乃知昔人由志誠流

水無情翻有情平波忽起二三尺此上疑與神
仙宅令人猶望荆之湄長令望者增所思吳王
已歿女不返潮水無情那有期溪草河草號帝
女溪竹河竹号湘妃靈濤旦暮自堪傷的皪嬋
娟又爭發客歸千里自茲始覽古高歌感行子
不知別後相見期君意何如此潮水

觀李中丞洪二美人唱歌軋箏歌時

移湖州
長史

君家雙美姬善歌工箏人莫知軋用蜀竹絃楚

絲清哇哇娃音宛轉聲相隨夜靜酒闌佳月前
高張水水引何淵淵美人矜名曲不誤蹙響時時
如迸泉趙琴素所嘉齊謳世稱絕箏歌一動凡
音輟凝絃且莫停金壘壘聲已闋雅聲來游魚
唵喁鶴徘徊主人高情始為開高情放浪出常
格偶世有名道無跡勲業先登上將科文章已
冠諸人籍每笑石崇無道情輕身重色禍亦成
君有佳人當禪伴於中不廢學無生愛君天然
性寡欲家貧祿薄常知足謫官無愠如古人交

道忘言比前躅不意全家萬里來湖中再見春
山綠吳興公舍幽且閑何妨寄隱在其間時議
名齊謝太傅更有携奴似東山

陳氏童子草書歌

書家孺子有奇名天然大草草令人驚僧虔老時
把筆法孺子如今皆暗合颯揮電灑眼不及但
覺毫端鳴颯颯有時作點險且能大行片石看
欲崩偶然長掣濃又燥少室枯松歌不倒夏室
炎炎少人歡山軒日色在闌干桐花飛盡子規

思主人高歌興不至濁醪不飲嫌昏沉欲翫草
書開我襟龍爪狀奇鼠鬚銳水戕白哲越人惠
王家小令草最狂為予灑出驚騰勢

弘秀

飲茶歌送鄭客

美華

丹丘羽人輕玉食採茶飲之生羽翼

天台記云丹丘出大

茗服之羽化

名藏仙府世空知骨化雲宮人不識雲

山童子調金鑄楚人茶經虛得名霜天半夜芳
草折爛漫緗花啜又生賞君此茶祛我疾使人
胸中蕩憂慄日上香鑪情未畢醉踏虎溪雲高

歌送君出

花石長枕歌荅章居士贈

美華

楚山有石郢人琢琢成長枕知是玉全疑冰片
坐恐銷間發花叢驚不足贈予比之金琅玕瓊
花爛爛浮席端吾師道吾不執寶今日感君因
執看試叩鏗然應清律纖塵不徧蠅敢拂萬物
皆因造化資如何獨負清貞質南山有雲鵠在
空長松為我生涼風高友朗詠樂其中行住四
儀皆道意不學小乘一曲士唯將此物安座隅

取次閑眠有禪味

觀王右丞維滄洲圖歌

滄洲謾是真萋萋忽盈視便有春渚情
褰裳掇芳芷颯然風至草不動始悟丹青得如此
丹青變化不可尋翻空作有移人心猶言兩色斜拂
座乍似水涼來入襟滄洲說近三湘口誰知卷
得在君手披圖擁褐臨水時倏然不異滄洲叟
洞庭山維諒上人院堦前孤生橘樹

歌

芙蓉

洞庭仙山但生橘不生凡木與梨栗真子無私

自不栽感得一株堦下出細葉繁枝委露新四

時常綠不關春若言此物無道性何意孤生就

來人二月三月山初暖最愛低簷數枝短白花

不用烏銜來自有風吹手中滿九月十月爭破

顏金實離離色殷殷一夜天晴香滿山天生珎

木異於俗俗士來逢不敢觸清陰獨步禪起時

徙倚前看看不足

春夜賦得漉水囊歌送鄭明府

芙蓉

吳鱣楚練何白哲居士持來遺禪客禪客能裁
漉水囊不用衣工秉刀尺先師遺我式無缺一
漉一翻心敢賒夕望東峰思漱盟矐矐斜月懸
燈紗徒倚花前漏初斷白猿爭嘯驚禪伴玉瓶
徐馮賞涓涓濺着蓮衣水珠滿因識仁人為窄
情還如漉水愛蒼生聊歌一曲與君別莫忘寒
泉見底清

自不姓為湛處士枸杞架歌

天生靈草生靈地誤生人間人不貴獨君井上

英華

有一根始覺人間衆芳異拖線垂絲宜曙看徘徊
滿架何珊珊春風亦解愛此物裊裊時來傍
香實濕雲綴葉擺不去翠羽銜花驚畏失肯羨
孤松不凋色皇天正氣肅不得我獨全生異此
輩順時榮落不相背孤松自被斧斤傷獨我柔
枝保無害黃油酒囊石碁局吾羨湛生心出俗
擷芳生影風洒懷其致脩然此中足

觀裴秀才松石障歌

誰工此松唯拂墨巧思丹青營不得初寫松梢

風正生此中勢與真松爭高柯細葉動颯颯乍
聽幽颯如有聲左右雙松更奇絕龍鱗塵尾仍
半折經春寒色聚不散逼座陰陰將下雪荆門
石狀凌瓊瑤蹙成數片倚松根何年蓓蓓苔黏
跡幾夜潺潺水擊痕裴生詩家後來客為我開
圖玩松石對之自有高世心何事勞君上山屐
送顧處士歌即吳興丘司儀之女壻即况也
吳門顧子予早聞風貌真古誰似君人中黃憲
與顏子物表孤高將片雲性背時人高且逸平

英華

生好古無儔足醉書在篋稱絕倫神畫開厨怕
飛出謝氏檀郎亦可儔道情還似我家流安貧
日日讀書坐不見將名干五侯知君別業長洲
外欲行去秋田循畎澮門前便取殼鯨乘腰上
還將鹿盧佩禪子有情非世情御筭貢餘聊贈
行滿道喧喧遇君別爭窺玉潤與冰清

水精數珠歌

西方真人為行密臂上記珠皎如日佛名無着
心亦空珠去珠來體常一誰道佛身千里身重

重只向心中出

西古真人 兵後西日溪行并序

沈義仙記銅峴地肺可以逃水又聖桃源記天

地改花源在即此地也此一章靈澈上人可以

志之○一從清氣上為天仙叟何年見乾海黃河

幾度濁復清此水如今未曾改西尋仙人渚誤

入桃花穴風吹花片使我迷時時問山驚踏雪

石梁丹竈意更奇 石丹竈銅峴山人 春草不生

多故轍我來隱道非隱身如今世上無風塵路

弘秀

似武陵路人非秦代人飯松得高侶濯足偶清
津數片者賢磐石在幾迴並坐戴綸巾

姑蘇行

古臺不見秋草衰却憶吳王金盛時千年月照

秋草上吳王在時幾迴望至今月出君不還世

人空對姑蘇山山中精靈安可覩轍跡人蹤縻

鹿聚嬋娟西子傾國容化作寒陵一堆土

弘秀

短歌行

古人若不死吾亦何所悲蕭蕭煙雨九原上白

樂府 卷七

揚青松葬者誰貴賤同一塵死生同一指人生
在世共如此何似浮雲與流水短歌行短歌無
窮日已傾鄴宮梁苑徒有名春草秋風傷我情
何為不學金仙侶一悟空王死死生徒人眾孰
山月行
家家望秋月不及秋山望山心萬境長寂寥夜
夜孤明我山上海人皆言生海東山人自謂出
山中憂虞歡樂皆占月月本無心同不同自從
有月山不改古人望盡今人在不知萬世今夜

時孤月將誰更待

顧渚行寄裴方舟

我有雲泉隣渚山山中茶事頗相關鷓鴣鳴時
芳草死山家漸欲收茶子伯勞飛日芳草滋山
僧又是採茶時由來慣採無近遠陰嶺長弓陽
崖淺大寒山下葉未生小寒山中葉初卷
吳姪携籠上翠微蒙蒙香刺冒春衣迷山乍被
落花亂度水時驚啼鳥飛家園不遠乘露摘歸
時露彩猶滴瀝初看怕出欺玉英更取煎來勝

真

金液昨夜西峯雨色過朝尋新茗復如何女宮
露滋青芽老堯市人稀紫笋多紫笋青芽誰得
識日暮採之長太息清冷真人待子元仙傳清
冷真人
斐君與道人貯此芳香思何極支子元為友
武源行贈丘卿岑
昔年群盜阻江東吳山動搖楚澤空齊人亦戴
蜂萬毒美稷化為荆棘蕞洶洶四顧多窟穴浮
雲白波名不同萬人死地當虎口一旦生涯懸
穀中教昨日將軍徇死節悉向生民陷成血胷中

豹略張陣雲握內地矛揮白雪長洲南去接孤
城居人散盡鼓譟驚三春不見芳草色四面唯
聞刁斗聲此時狂寇紛如市君當要衝固深壘
縱橫計出皆獲全士卒身先每輕死掃平氛稜
望吳門人閑歲義桑柘繁比屋生全受君賜連
營罷戰賴君息如何弃置功不錄未通籍無名滯
江曲灞亭不重李將軍漢爵猶輕蘇屬國荒營
寂寂隱山椒春意空驚故柳條野戰攻城盡如
此即今誰是霍嫖姚

弘秀

長安少年行

翠樓春酒蝦蟇陵長安少年皆共矜紛紛半醉
綠槐道躑躅花駘驕不勝

風入松

西嶺松聲落日秋千枝萬葉風颼颼美人援琴
弄成曲寫得松間聲斷續琴聲清我魂流波壞
陵安足論美人夜坐月明裏含少商兮點清徵
風何淒兮飄飄攬寒松兮又夜起夜未央曲何
長金徽更促聲泱泱何人此時不得意意苦絃

風淒清兮何飄颼

悲聞客堂

第八

吳興釋皎然清畫撰

唐杭州靈隱山天竺寺故大和尚塔

銘并序

水之性不動而養得非天實相之體耶雖積為
洪溟而木嘗變其具我自在之妙致也如來大
師獨秉至教群聖拱手俾冥冥劍誠破堅冰之
惑豈逾一念之哉靈隱大師華林精律儀而第

杼山集卷第七

七

竹山集卷八
蘇軾春潮風長夜
綠桃遺蹤花豔踏不勝

風入松

西嶺松聲落日秋千枝萬葉風颭颭美人撥琴
弄成曲寫得松間聲斷續琴聲清我魂流汝懷
陵安足論美人夜坐月明裏含少商音
風何凄兮飄飄攬寒松芳人夜起夜本無
無聞客堂從聲泱泱何人此時不得得意苦

杼山集卷第八

山事越四吳興釋者皎雨然大清晝撰



唐杭州靈隱山天竺寺故大和尚塔

銘并序

水之性不動而鑒得非夫實相之體耶雖積為
洪溟而未嘗變其真我自在之妙致也如來大
師獨秉至教群聖拱手俾冥冥倒識破堅冰之
惑豈逾一念之哉靈隱大師雖外精律儀而第
一義諦素所長也故小子誌之大師生緣錢塘

范氏諱守真字堅道齊信安太守瑄之八葉禮
既冠衆君子器之夙有丘園之期不顧玄纁之
錫遂詣蘇州支硎寺圓大師受具足戒是夜眼
中光現長一丈餘久而方沒蓋得戒之禎也後
至荆府依真公三年苦行尋禮天下二百餘聖
教所至無不至焉至無畏三藏受苦薩戒香普
寂大師傳楞伽心印講起信宗論三十餘遍南
山律鈔四十遍平等一雨小大雙機在我圓音
未嘗異也乃發殊願誦持花嚴遂於中宵嘗夢

神人施珠一顆及覺惘然如珠在握是歲入五
臺山轉花嚴經二百遍追宿心也人轉大藏經
三遍廣正見也至開元二十六年有制舉高行
道俗請正名隸大林寺後移籍天竺住靈隱峯
時大曆二年也至五年三月寓于龍興淨土院
謂左右曰夫至人乘如而來亦乘如而去示其
必然也而瞽天欲以長繩繫彼白日安可得乎
非至人而有其盡以此月二十九日告終于茲
地春秋七十一僧腊四十五其間臨壇既多度

人無數今不復紀也顯名弟子蘇州辨秀湖州
惠普道莊越州清江清源杭州擇隣神偃常州
道進如何鸞鷲之彩共集旃檀之枝江淮名僧
難出其右書之身戒亦忝門人幸叅四子之科
獨許一時之學斯文在我何敢讓焉詞曰房星
在天降為應平真好爵縻我視如埃塵既投其
簪亦壞其服戒月纔佩禪香乃沐四十餘夏振
振盛名大江東南為平法長城宣尼既歿微言
乃絕我師云亡真乘亦輟靈隱峰上春日秋天

風生松栢如師存焉持教門人楚英吳傑儒方
荀孟道比文列宿習未盡妄涕猶雪宿已忘真
師真如月古之君子名書彛器大師不書將墜
于地紀功者銘傳心者燈藏諸名山不騫不崩

唐蘇州東武丘寺律師塔銘并序

律者聖道游入之津為心見所瑕多溺近果不
然則極地之階乎武丘律師諱齊翰字等至通
教之士也吳興沈氏之子高祖陳國子祭酒曾
祖某隋魏州司馬祖考二世不仕律師綺歲從

大人至山寺觀高靜無塵之躡惻然有宿命之
知因請出家大人從之至天寶八年八月五日
奉制度配名永定九年十月依分壇受具足戒
後移名開元大曆中移名武丘皆兩州道俗所
請也律師道性淵默水則淡然跡不近名身不
關事長在一室寡如無人豈比夫駢行鼓簧之
士哉晝始疑斯人未造精極因問業報之理如
何師對曰夫鼓毗嵐之風有物皆壞而靈空不
動蓋無相也心且無相業何累焉但懼陷於偏

空妄撥無耳繇是始知律師心之所至精相部
義窟洞法華經王蘇湖戒壇每當諸首大曆十
年某月入流水念佛道場是夜西方念中頓現
蓋精誠之所致也至某年春秋六十八僧夏四
十七遇疾之日謂弟子曰有鶴從空飛下徊翔
我前尔曹見乎必謝之期小聖猶病安能免哉
即以某年某月終于本院受業門人如隱壇場
門人宣允誠肅禪心律已有時譽晝則律師之
鄉僧也戒有一日之長許為法凡昔媿隨肩今

傷分影有清規之可採則文石而言焉銘曰
漫漫去情海多生沒兮超超我師一念越兮舊
寺龜溪為僧傑兮新居武丘匹時哲兮適來示
生亦示滅兮山上人間有遺轍兮故雲茫茫餘
水泱泱留廢房兮黃蘗心苦青松節寒對空壇
兮升堂門人結社居士依扉履兮或刻貞石或
書勝幡思師存兮

唐蘇州開元寺律和尚墳銘 并序

至人於生死一也物有之我亦有之若日月可

蝕靈空可汙乎在至人為宅心之地誠瞽夫不
返之瀑流哉於戲我法自五天揚于漢廷八俊
四賢橫世傑出後之學者聆休風企高躅何吾
師之穆其芬馥歟吾師諱某字某先劉氏之子
漢楚王交三十一代孫列祖某永嘉南遷為相
丞掾四代祖遠隨東陽守顯其遺榮之跡略載
本枝全其拔俗之高不書後葉蓋亦垂訓之意
乎吾師幼孤伯父哀字禮如教立孝自天生而
宿植緣深心田欲稔因請伯父從師出家伯父

衰而捨之事靈隱某禪師因問師入道之次師
語曰夫爝火大明乎太虛以爝火之心當太虛
之境境非心外心非境中兩不相存兩不相廢
今我所證是爾所知曷有萬法之深淺優劣乎
畢如涼風入懷醒然清悟天寶四年受戒於東
海大師覽真傳講於會稽大師曇一至德中舉
高行餘名開元乾元中有詔天下二十五寺各
定大德七人長講戒律吾師其選也頃年淨土
一門不愆于念嘗謂人曰昔聞西方之行是有

相大乘此乃蓬心不直達之說何者夫出言即
性發意皆如而一色一香無非中道况我正念
乎于時六十七天年三十六僧夏十六壇場孤
制律樞正持僧綱自緝湖南北皆宗仰焉以建
中元年六月十五日寢疾而逝其時有庭樹一
本枝葉扶踈及吾師將亡之朝花正拆而遽萎
條始繁而方折亦恒河水上旃檀樹枝榮枯之
意也其年七月五日遷靈龕於武丘西寺松門
之右嗚呼青山不歸日林長謝秋原之上萬境

皆悲雨冥冥而晝陰水浼浼而東逝門人道亮
道該清會亮以毗尼繼其行會以才學儔其賢
該以詞華蹤其美三子之外居廊廡者克江漢
焉故觀察使韋公元甫觀察使李公栖筠今魏
州刺史李公紆今御史中丞李公道昌林下之
跡可追山陰之遊尚想懷人撫事相顧泫然晝
實謏才曷足揄揚盛美以吾釋門之事安敢讓
焉銘曰
本師示終兮玄經絕香山崩兮香海竭大地動

兮旃檀折人天冥兮千光滅我師出嗣兮遺教
張如何斯人兮天不減星旣雨兮地亦霜生涯
昧昧兮四流長捧遺言兮循往跡庭無人兮月
寂寂百年遐壽兮日長夕萬春上服兮塵已襲
門人慟兮世人悲瞻影塔兮山之垂宿昔經行
兮舊路岐雲眇眇兮雨霏霏方域盡兮長桑移
樂石香名兮不騫不虧

唐石圮山故大禪師塔銘并序

天作高山山孕人靈其間氣則賢人當之而動

用有異夫黃鶴遊乎天驪龍樂乎淵從其性也
賢人治世則匡贊我后出世則誕敷上乘圮山
禪祖其人也師諱神悟字通性隴西李氏之子
其先屬西晉版蕩遷家于吳之長水世襲儒素
幼爲諸生及冠忽嬰業疾有不可救之狀咎心
補行力將何施開元中詣前溪光律師請醫王
之方執門人之禮師示以遺業之教一日理懺
二日事懺此仁聖所授行必有徵遂於菩提像
前秉不屈之心藝難捨之指異光如月瞳朧紺

宮極苦可以感明神至精可以動天地蓋菩薩
之難事歟洎天四中受具足戒身始披緇天八
中舉尤異行名餘寺逮其晚節益見苦心每歲
置法華道場場九旬入長行禮念觀佛三昧於斯
現前因語門人曰夫陰薄日而何傷風運空而
不動苟達於妄誰非性耶方結宇於勞勞山東
中據石圮達分仙渚猛獸馴於禪榻祥雲低於
法堂中夜有山神現謂禪師曰弟子即隋故新
成曹世安生爲列侯死典南嶺今和尚至止願

以此永奉經行言訖隱而不見故吏部負外李
公華今殿中侍御史崔公益嘗問孔老聖教優
劣於吾師師對曰路伽耶典籍皆心外法味之
者勞而無證其猶澤朽思春乾水取月之相去
天何遠乎去辛卯年春寢疾大漸於戲悼死樂
生下士之事吾師了性空豈關情哉便趺坐告
終歸于寂樂其時世壽六十三惠壽二十六闍
維之日獲舍利五百餘粒珠顆纍纍粲然在矚
蓋由夫精所致門人湛一圓一潔身力行夏淺

功崇亦分河不絕之意也吾聞古之君子生有
名而死有謚勲業昭乎彝器箴規煥乎方冊何
有哲匠作人天師遺德不書吾誰仰則銘曰
聲傳于籥剖之無根象出于鑒窮之不源至人
應物體寂名存寂可神照名宜性泯妙用無生
示生而盡燈留火續骨化珠分真子徒仰慈聲
不聞堂披遺影地起方墳萬木春折諸天晝曛
年年世上空望歸雲

唐杭州華嚴寺大律師塔銘并序

魏晉中穎邁之士多尚出塵白足高步於海隅
青目遐視於湘表千有餘祀禪律宗師吾知若
人出秉伊說之鈞處躡黃綺之躅亦躬珪之與
和璞隱顯之殊乎我律師其人也法諱道光俗
姓褚氏踰亂出家方冠受具詣光州和尚學通
毗尼于時夏淺德崇壇場屬望蓋天賚真士為
東南義虎雲雨慈味笙鏞道聲常持法華兼創
佛廟泊沒身不怠也世壽七十九惠壽五十八
上元庚子歲秋仲月示滅于本寺是日馳陽昧

昧淫雨颶風冽風崇朝嘉木為折乃東土福盡
之徵也俄然熹氣五色亭亭如蓋移晷不散偏
映精廬即西方往生之意也初吾生未歿其月
三日質明支疾凝神依色身觀彌陀具相忽現
師前滿庭碧花昔所未覩其四日昧爽有異人
請師為和尚遂開目彈指曰但發菩提心五之
日曇陀羅花自天而雨悲夫非哲匠去世安至
是耶門人神烈義津等攝齋何仰繞塔徒哀履
名跡而可師書琬琰之不墜詞曰

我法未季哲人是生真慈在物澤灑颯清高戒
嚴身佩月與瓔貽訓徒張逝不可作瑞花冥濛
卿雲縈薄靈輜何止于此山椒寒颯斷續影塔
蕭寥五峯諸子泣望終朝

唐湖州佛川寺故大師塔銘并序

夫萬有朝徹獨立而不改其妙空乎洎鴻濛已
還民溺情海安不幻之跡喪全真之旨若識浪
不作幻何有哉我釋迦本師獨開宗極遽而告
滅降蘊魔也在而言逝為狂子也以八萬四千

正法首付飲光飲光已下二十四聖降及菩提
達磨繼傳心教有七祖焉第六祖曹溪能公能
公傳方巖策公乃永嘉覺荷澤會之同學也方
巖即佛川大師也大師諱惠明俗姓陳氏漢太
丘長寔之後世居順顯祖某永嘉南遷為司徒
掾陳氏受禪四代祖仲文有佐命之勳封丹陽
公祖某雙溪穀熟二縣宰考某蘭陵人也大師
雖世有榮閥而未嘗自稱蓋處塵世之餘累
矣先夫人初感之日如持佛戒足惡履於葷圃

口不嘗於魚鱸器神夢髣髴長聞法音既而誕焉
年漸及卅方祈捨俗大人從之至受具時即開
元七年也耳未誘於聲界眼不瑕於色塵清行
剋終如鑿寒玉嘗謂人曰昔者繁刑首作伯成
子高遁焉吾雖不捨律儀而惡乎淨論紛若心
即心之法至矣哉西詣方巖頓開心地於戲冥
冥其機赫赫其師寂乎大空之淵而不疑放乎
萬緣之律而不變天寶年將有願於清涼山淮
汴阻兵師乃旋策偶與禪侶西之宛陵於上石

為神明柰何使我蒼生每被血食豈知此事殃
爾業耶神曰非弟子本意人自為之禮懺再三
大師乃授以菩薩戒神欣然曰若和尚移寺弟
子願捨此處永奉禪居言畢不見其後果移寺
焉於祠側獲銅盤之底篆文是吾師法号更有
異器略而不書建中元年春忽顧左右愀然而
歎曰夫人生百年盖一念耳昧者安知揭日月
以趨新劫吾將往淨方爾曹勉之于時報年八
十四僧臘五十一以其年正月十一日有疾其

日庭木春悴山雨晝冥猛虎繞垣悲嘯而去十
二日奄然長往二月十二日建塔於佛川西山
有慈烏滿林舉衆驚異受法門人自湘溪淮楚
不遠而至有若孤秉律綱默持心印惠解比丘
即其人也德與物敷言隨性寢聲采不飾世謂
渾金惠敏比丘即其人也外學以文內脩心行
跡不疑聖機能造微如知比丘即其人也菩薩
戒弟子刺史盧公幼平顏公真卿獨孤公問俗
杜公位裴公清惟彼數公深於禪者也謝太傅

之通於宗要躬淵源之造於精微常恐大師之
言將墜于地顧謂小子志之予曰必使覩至人
之奧知地位之極則未敢聞命若盛美之跡人
所見聞何嘗敢忘請退而記之刻諸靈石詞曰
青山我廬白雲我曹吾師處焉人遐跡高跡高
伊何降心鍊魔傳教方巖傾珠竭河持而不檢
放而不過匪雲異月如水與波見獨超超證法
無兩生死誰羈我不可鞅若搖空輪如颺風響
何為告滅亦由狂子忽示雙桐空棺隻履佛去

川在八亡寺留使吾舊境寂寞長秋泣露草繁
悲風樹滿此物無心盡如淒斷門人十萬昔為
法來悟者不覺常情自哀祥花雨墜靈峰晝開
真子相顧謂全身在劫

塔銘 并序

東漢始有佛塔之制或冶金埏坏琢球彫杼觸
類可作蓋惠門之扃鏞也我唐大曆丁巳歲建
子月某日沙門某洎居士若干人於思村東北
古堤之上樹脩塔焉粉檀素簷炯如雪積雖埃

氛晝晦月魄宵淪重重入空千里可矚使夫倦
鳥有託迷客知歸燎叟歿弧以革心漁童卷緡
而易慮作者之志其仁博哉

崇崇靈塔掃氛孤出平砌杏雲層輪麗日瓊容
皓曜鴈影依稀初驚地踴忽視天飛塔何情矣
監惡斯止塔何言哉誘善不回至人默默與我
同德寂語忘教而人自効明明者 曷可齊焉
上階于天下窮于淵深谷為陵其功不騫

唐洞庭山福願寺律和尚墳塔銘并

序

道賢上游其德如陽和亭毒萬物生而不子成
而不由或曰異於是蓋由無生空惠冥乎其間
哉暨洪唐盛明之朝我法尤重五教四分颯揚
景張南山律宗居天下第一後弟子如大師鮮
矣大師望出徐氏諱神皓字弘度八代祖攝齊
竟陵王西邸學士子陵梁尚書左僕射其文與
庾子山齊名逮陳氏革命因佐吳邑遂家姑蘇
高祖碩學通三禮中年即世曾祖曇隨王府咨

議叅軍祖德恭潯陽郡詞曹考君定深於釋典
不屑名宦大師天情耿潔風韻朗邁幼負脫俗
之姿嘗有言曰沙門者高潔其道秉空王平等
之性一念不昧坐登佛階吾自知此生復龍淵
取明月曷有三圭之責重侯之高而能動我心
哉乃依杭州龍泉道場一和尚出家敗髮損容越
出流輦鏗然法器如琢玉焉天寶六年天降板
詔精擇真行一州許度三人獨居薦首吾以是
知大師初板佛教滌心地也今奉國息正世名

也。因繇僧籍於包山福願道場。初進具於興大
師。次通鈔於曇一大師。五夏未登學。精三藏。天
台宗旨難為等夷。淵玄絕思之科。如良庖之道
大竅也。十講律鈔。五昇壇場。傾江而東。願禮其
足。後生學者仰其聰明惠性。如追騏驎之步。大
師嘗引錫西望。想包山舊居。包山即洞庭仙都
之一峰。湖澄氣清。日出水上。疊嶂合沓。生乎影
中。得非天遺去此。中與此成道耶。乃命舟而還。
使野童誅茅。山童掃石。顧佐右昔者。如來崇飾。

塔廟。乃是啓發群信。開人天淨境。豈為已哉。此
寺隳廢久之。非先師本意。乃闢僧院。創食堂。衆
有怠慢者。醜其行。而理之。舍有傾者。惡其邪。而
正之。懇田置莊。開畝泄澮。功旣成矣。業亦博矣。
百十人俱皆受其賜。曩昔洞山水滸。業湖之氓。
曾鼎咽川。繪繳亘渚。大師以如來不殺之戒。黜
彼魚鱗。食迴小人之腹。為君子之慮。乾元祀有詔。
天下二十七寺。各奏大德。七人長講律戒。因請
住開元寺。欲果願具。且懼簡書。遂僂俛從命。奉

戒弟子開州刺史陸公向前給事中嚴公沈服
道弟子禮部侍郎劉公太真前大理評事張公
象欽風弟子前廉使亞相李公栖筠天誘厥衷
俾揚我法精識通敏言為世程謝太傅之流也
其時常熟地偏僧多闕行李亞相欲以德撫乃
請大師統而正之一化而革心再化而知道三
化而闔邑從風大師末年工於圓宗絃心皆是
以文字而用不以文字為病是念佛寫經備行
教法置西方社廣淨土因專誦法華經九千餘

匝遊四大寺登五老峯遍欲觀古僧得道之所
此亦至人之餘事應物如動自視缺然貞元六
年十月春秋七十五僧腊四十三其月在開元
遇疾忽言曰吾愛夫得道者心如澄溟知如晨
曦不染如浮雲自在如游鴻吾雖非斯人亦未
肯以有生為累其月十一日顧門人維諒我去
世後汝若置塔可歸洞庭故山言畢而逝是夜
琉璃色天星霞如雨往往有西方之應覩而不
書奉遺命也門人維諒有文有道獨步當時執

師之喪不以證而廢教也列座門人道超靈俊
道濬道稜維誠皆積解以詣空門邁德以藩象
教吾聞古之僧高者述誄與碑自晉朝始也二
三子思吾師盛德將欲鎔黃金勒貞石垂裕後
使昭昭之教長燭於人天銘曰
於穆大師立言可經身佩戒光高月亭亭怖魔
以祛叢智以醒如何斯人忽號冥冥天樹春折
雲花夜零空留一燈寂寂青熒伊昔行道坦坦
素履跡難可攀行不可擬乃知我師應世無已

優游人天自在生死門人維諒躡彼高塵嶷嶷
靈塔紀功與人于山之峯于湖之濱風淒遠鐸
月慘重輪瞻禮雲上如逢化身

畫救苦觀世音菩薩讚并序

繪工匠意通幽若菩薩出現湛兮凝心于內怡
然示相于表非法王妙用何哉誰其主人即湖
州刺史諫議大夫樊公夫人范陽縣君盧氏所
造也初夫人有恤胤之兆常念觀音夢雲初懷
育月方誕命曰是女且不正名蓋取宜子之意

也公以積德樹仁膺其錫羨雖菩薩大慈不昧亦江漢間氣所鍾詩云維岳降神生甫及申之傳乎於戲至誠旣敷上願思答乃於寶勝殿內按經圖變祇於壁上觀示現之門不捨毫端禮分身之國詞曰
至人之體兮有而無迹至人之心兮用而常寂公之小君兮惠性造微我之大士兮慈心莫違保幼子兮永貞無悔覲真儀兮常明不昧慈為雨兮惠為風灑芳襟兮襲輕珮

畫藥師琉璃光佛讚并序

佛以大慈療生死巨瘵示藥師名以大智證圓明妙身受琉璃稱無私之鑒湛乎不動誠懇之至感而遂通湖州刺史諫議大夫樊公夫人范陽縣君盧氏得之矣頃因懷妊默念于心先徵佩印之祥載見懸弧之志遂圖此變以答佛慈光射金扉日月不開於天上影朧珠綴煙霄自出於壁間東方如來瞻仰長世輒揚盛美有愧謏才詞曰

藥師之光随心至兮十二上願慈不遺兮琉璃
之身為我示兮八十種好相畢備兮繪象報德
公夫人兮初祝胤子果克禋兮早見才童邁人
倫兮將成大器應甫申兮如來惠父長可親兮
貽厥孫謀壽萬春兮

蘭亭古石橋柱讚并序

山陰有古臥石一枚即晉永和
中蘭亭廢橋柱也
大曆八年春大理少卿盧公幼年承詔祭會稽山携居士陸羽因而得之生好古者與吾同

志故讚云古橋石柱亭亭殊類
渾璞璘玢亂錢蒼翠遺在蘭渚
遷于客位雲狀未銷水痕猶漬
在物頗重則人無弃石豈有心
求人所貴若瓊與玉呈端蘊
異如彼陸生不文其器此猶可
轉豈君同志

烏程李明府水堂觀玄真子置酒張
樂叢筆亂揮畫武城讚

烏程魯邑異日同風洋洋絃歌復聞我公玄真
跌宕筆狂神王楚奏鏗鏘吳聲瀏亮舒鱗雪似

頽彩霞狀不誤揮毫 無虛放藹藹武城披圖
可望咫尺之內天高水清月疑山吐風恐松聲
晴雨雲住春冬草榮比公為政德暖生成盛烈
暉暉雙揚厥靈

達磨大師法門義讚

我師西來傳乎真訣大輪當路小乘亡轍冥冥
世人初見日月權跡有歸光雲不滅

天台和尚法門義讚

我立三觀即假而真如何果外強欲明因萬象

之性空江月輪以此江月還名法身

二宗禪師讚

裁玉為璧一體殊稱二聖淵淵異名同證安讚
天后寐佐玄宗卷道就跡與時從容邈邈安公
行越常致高天無言九有成庇大海無心百川
同味不授心印但以無言瞳瞳大照有跡可覩
應世而物無不化不異六宗無慙七祖禪崗一傾人天何怙

能秀二祖讚

二公之心如月如日四方無雲當空而出三乘

同軌萬法斯一南北分宗工言之失

志公讚

大動之地我安其中高景無氛靈鶴在空出生
死泥隨物有終勢形駭俗借績開蒙常携刀尺
精意誰通

唐大通和尚法門義讚

觀淨之筌斯言不住四色蓮花白花為喻應知
離相或未圓通吾師惠心雲開天空

唐鶴林和尚法門義讚

真見之體知而不知性猶無主禪何有支我本
圓寂湛而不移聿來化人慈力所為

大雲寺逸公寫真讚

盡與理冥兩身不異淵情洞識眉睫斯備欲發
何言正思何事一床獨坐道具長隨併執堪瀉
珠傳似移清風拂素若整威儀

洞庭山福願寺神皓和尚寫真讚

虎頭將軍藝何極但是風神非畫色方類明眸
亦全得我豈無言道貴默雙扉曙啓趺坐時百

千門人自疑惑

沈君寫真讚

誰識英姿披圖宛在月動光芒風生神彩勻毫
點朕天質無改聽似欲言窺不敢怠佩可鳴玉
冠宜附蟬鸞翔鶴顧志氣儵然侯伯之量於斯
鑒焉

王安吉寫真讚

性正氣高外爽神徹遠水澄渟秋天寥泬銳工
傳逸點漆開頤風儀秀發毫髮無遺當獨立處

似不言時如嘖如顧何慮何思披影相對真身
是誰

楊逵處士寫真讚

識洞才高天質神與霜縑之上逢君不語尊尊
山立翹翹鶴舉置之巖石邈然無侶

杼山集卷第八

杼山集卷第九

吳興釋皎然清晝撰

蘇州支硎山報恩寺法華院故大和尚碑并序

我先太師曰佛嘉言孔碩大造人天張無生極宗懸衡於群教之表自第一義諦皆我之濂廬也況儒墨名法道家之流哉教之斯行資乎哲匠今太師即其人也師諱道遵字宗達吳興張氏之子崇勲茂德世爲吳中右族大師夙負殊

操潔士稱之榮曜不足關其心聲塵未曾觸其性其年二十詣天竺威大師初受具戒事報恩興大師首宗毗尼依佛教也常愀然而歎曰孔老之學不明三世昭昭之業何異夫適郢而求冥山哉先大師則不然觀萬象無根我獨以無生一念覆疑山之峻知四流妄有我獨以妄動二字停倒海之波室是遠而悟者天隔昔在漢明永平之際大教洋溢霈然而東與生靈滌心觀天地更始正士自摩騰已降持法有如關中

者秉律有如南山者海內髦士亟歸乎我如凱風微揚嘉木先發北齊惠文大師傳龍樹智論一性之教教即我釋迦如來九世祖師文殊所承也惠文傳南岳南岳傳天台授一心三觀之旨以十身佛刹微塵數脩多羅如懸帝網不出正念無違即中蓋如來一期教之扁鑄也天下弘經之士窺我宗者不得其門而入天台去世教傳章安章安傳縉雲縉雲傳東陽東陽傳左溪自龍樹已還至天台四祖事具諫議大夫杜

正倫傳教記今大師則親承左溪一受心宗方
造其極物有凋折而苦節不衰時有晦明而爲
不變法華三昧淵乎我衷嘗從容謂門人曰堯
舜之民不必獨義教之至也教若不至民何咎
焉吾恐大教未周群機未發陷諸子於邪見之
網吾徒得無過乎乃欲廣寫法華經置道場闢
經院以燭繼景揚大雄慈聲蓋平生之願歟一
之日發其心二之日規其趾作不逾序厥功成
焉居山之福地於戲群峯合沓以就我當大藏

而孤峙疑天作以待用此持經之境也及以清
晝山空杉吹不動真念凝乎寂寞經聲在乎宵
冥此持經之心也大曆元祀州將韋公元甫兵
部尚書劉公晏侍御史王公圓開州刺史陸公
向殿中侍御史陸公迅大理評事張公象境誘
真心共獲殊勝乃相與飛表奏聞詔書特下署
名曰法華道場焯哉盛乎經王之惠日昇于天
乎自江以東惣一十七所皆因大師之首置也
舉釋行大德二十七人常持法華報主恩也大

師以無緣慈眼極觀四生多溺空見乃鑄盧舍
那及毗盧遮那像明智身不有法體非無將欲
顯古佛證經之由乃起多寶妙塔開淨土當生
之業遂作彌陀色身法華一經駭聲聞得記方
等四部喜廣教盡收無垢淨光蓋是如來極開
方便跡雖有作功乃無爲接人天機使知有殊
常之福又寫天台一教溢乎道場真詮昭昭與
清景不極太師有言佛法壽命其惟常住乎常
住不存我法安寄於是置莊二所世田爲義俟

嘉穀以登身田是脩期聖和不絕非夫大師平
等之施孰能於事理雙全哉物投我慈日用不
足門人有懈廢者接彼退機講法華玄義天台
止觀四分鈔文臨壇度人授心揚律願盈乎石
室之籌天寶年於靈嵒道場行法華三昧忽覩
大明上燭天界我身正念儼在光中異日問天
台然公公曰智惠光明從心流出非精志之所
致耶又於本寺入法華道場忽覩此身在空中
坐先證者知是大師滌垢之相不然則萬法有

無礙之用哉其年春秋七十一僧臘四十六以
興元元年七月二十九日告終於支山本寺嗚
呼像法梁壞苦流增波無數人天從今失怙初
當寺蓋公輪公一夜同夢大殿忽崩得非法匠
將亡之應乎示疾之日驕陽久憊嘉苗若燎辭
世之夕風號雨暴天地慘黯亦我法凌遲之變
也傳教門人靈輸法盛道欣可入如來之室豈
唯宣父之室哉俾厥鴻猷張而未弛奉教門人
猶子靈源等高志警拔德隣先賢精細行以檢

儀敷大乘以基性予雖後學夙聆德聲曷云不
騫貽諸樂石銘曰

泓澄吳江靜幾於道清氣蓄焉誕我僧寶泐泐
大師與道爲藩義天無字慈缸不昏巋然支山
繫公所履建塔闢院夷荒而趾乃基靈峯靈峯
崇崇乃啓秘藏秘藏彤彤天色在下日輪當中
真經無言至象非象冥理徹性不味不朗三觀
一心如懸帝網雪山峩峩有時而裂香樹偃蹇
有時而折世相若斯師何示滅示滅何之天泣

人悲高立漠漠細雨霏霏携履西去相逢是誰
見海未乾疑山尚阻囂囂魔民爰得其所吾師
寥寂空留法語入室數子皆弘我經安公如月
遠公星如恭恭袂袂釋氏儀形塔影亭亭長在
寒樹天上花落人間日暮猶飄苦雲與我爲喻

唐湖州大雲寺故禪師瑀公碑銘序

昔在穆天子我如來大聖沒於西土蓋示身也
其聲教紛綸湮滅而復紀者九十六種外道持
衡於五天是僭佛号俾戒月生魄寶星爲慧涅

槃河水汨泥揚波而天下騰口龍衣心復然而喪
精矣我本師爰勅大士中興南州激童蒙竅禱
杌摧異道破邪黨彼日月是出熾火不息其爲
光也不亦難乎有其躡清氣胤種性雲龍相召
與蒼生爲眷則我大師矣大師諱瑀字真瑛俗
姓沈氏吳興德清人也其先仕國於沈因以爲
氏按春秋沈子之後也五代祖敏梁東陽太守
不言而理不猛而威揚之以和風灑之以甘雨
殷氏旣喪公其嗣焉高祖某勇而仁直而信少

好理體機若缸轉六歲讀孝經至參不敏略而
不讀師問之故曰此大人稱之而小子曷稱之
十七州舉孝廉陳侍中徐陵特相器重名位不
達終于丘園曾祖某學藏於晦辯守於訥大業
之際州辟不起祖某考三教之源精一貫之旨
結廬於金鵝山下怡然獨得父某湖山是傑言
行孔臧里有不爽而訓之隣有不給而錫之燠
芳春風凜兮寒松心可以育物德可以垂裕以
五世樹善而瑀公生而聰惠不以師受年未搃

角辭親出家患身之資忘若遺跡爽口之味飲
如我仇以如意年大赦度人壞衣削髮煤灸世
事怡懌至道弱冠遊東京大福先寺厥受大戒
懇懇勤勤不遑假寐三日之夕戒相出焉見有
神人假然在目倏來忽往或同或異得非至誠
乎於是燭如來燈佩菩薩印證聖中歸于大雲
道場堅執律柄僧綱釐舉不亦宜哉公素履純
厖無咎無譽使天下之士有外道焉有闡提焉
心如飄風言若泉湧撓我聖教齊我妙門公示

以從容誘以方便莫不稽首挫色而聞命焉常
禮一萬五千佛名兼慈悲懺日夜一匝或二日
或三日一匝苦節貞勵飲冰茹霜夜有聖僧九
人降於禮懺之所相與行道彈指而去或夜無
燈燭心口是念圓光照室如坐月中如此則往
往有之公常喟然曰自明帝夢金人孫權獲舍
利茫茫中土是有正法而德清偏邑罕有塔寺
使蒼生蒙昧罔知所之悲夫至人無名陶鑄而
名之耳安可糠粃有為金壁無相二見齊楚瞽

性者流豈短履如之功萬法無外此大菩薩自
在之盛行吾將為爾行焉於是繕以香臺作以
薩殿卿雲蓄泄於戶外麗月昭回於簷下是知
觀象大壯法時雲室豈不宜哉前後寫經二藏
凡一萬六千卷不以皮為紙不以血為墨是身
鼻穢靡潔書寫非難捨哉晚節工於禪門頓入
懸解言越性靈之外心冥文字之表天寶初臨
安足法師死經三宿將入地獄冥見瑤公引至
王所謂王曰此師解講涅槃經大王府之王曰

唯聞嚴能講不聞此師名何也如此再三王不能屈因赦之嗟乎至人之作用不動此身而流形于彼非無緣慈力何哉曾是鄉人施犒糶牛者天然不孳因而出乳及瑀公寢疾日有饋之非夫人含動植德感明神亦何能致此希有之事也他日蹙然改容據梧而歎昔孔子蚤作悲歌于門者此聖人所以同我生亦同我死莊生曰適去夫子順也吾亦何懼哉以十一年秋禪坐滅度嗚呼婉婉蓮步應隨白雲寥寥香林空

見孤月余不知其至人幽機妙用髣髴化爲天星乎飛爲白霓乎不然將有異名於他國乎某月某日飭以靈龕崇以寶塔擊以法鼓吹以法螺門人號慟於是奠斂十二年春將欲啓靈龕遷寶塔炎炎金火以求舍利豈知容色不壞凜然如生識者以爲涅槃本義絕動涉之知窮寂照之惠存不壞之身滅大化之體此四者而公得之昔少林孕鬚斬春育髮何獨嘉也寺主玄雌等皆東大明惠開道區中吠琉璃天移夕爲

晝彼什公四子亦季孟之間歟大理評事攝監
察御史姚澹主客郎中姚沛稟龜溪之靈鵝山
之英門多才傑世著匡佐而瑀公善焉刺史楊
惠才識深敏器宇調暢虞譚之流也今吳測微
清慎有度奸回無欺賀循之流也皆入境問俗
飲風眷德徘徊獻教有恨未暮嗟乎法本無名
是歸寂樂門人垂淚願刻豐碑予誠不敏哀以
見託銘曰法本無生示生兮法本無名強名兮
大師振振冲邈兮蒼生茫茫啓覺兮堅持律藏

是非兮深入禪門杳微兮鵝峯岑峯莫涉兮龜
渚澹蕩莫測兮五千佛懺是禮兮十二經文是
啓兮聖僧異人降語兮羯_{音桃}牛非孕垂乳兮同
衆生病罔差兮同衆生沒罔壞兮門徒病矣號
絕兮姻族潛然嗚咽兮烏臺華省思人兮邦君
邑宰劬神兮無言可象湛寂兮身謝名飛刻石
兮

唐杭州靈隱出天竺寺大德誥法師
塔銘

西周之叔世本師淪跡於拘尸那城千有餘年
教行東漢玄綱遐屬殆如綴旒而先經異時至
機終義故我唐聖曆中大方廣梵文四譯斯備
雷霆始懼於魔耳天地再造於人心瞳瞳無邊
佛日正出其時私道之士有燉煌公得他心稱
是文殊後身洎四葉傳於吾師本孫氏之子長
沙桓王十有三世孫母也初感夢吞明珠遂黜
魚鱗惡葷誕彌厥月生有異表中歲若成窳兮真
姿不棲于俗願移榮於道忘錫羨於家至十五

辭親從師依年受具行學一集鬱鬱爲教宗終卷
伊呂立功之致陋黃綺肆志之適遺形理性與
山木爲群故地思貞大師屬我以華嚴經菩薩
戒起信論心以靜銳智與經冥徹照淵玄萬法
一念霄景盈空而不見晨曦溢日而何有有而
不可有者吾其見真師之心哉受經彌時乃疑
未契其夕夢乘大舩直截滄溟橫山當前峻與
天極不覺孤帆鳶戾懷襄止濟峯竦竦而忽焉
雲溶溶而在下旣寤形若委衣流汗輕醒自此

句義不思而得一部全文常現心境事事無礙
之旨如貫花鳥天寶六年於蘇州常樂寺畫盧
舍那像寂念初明十身並現日月何咎唯吾師
自知大曆二年講於常州龍興寺纔登法座忽
有異光如曳紅縷漸大縈於香空久脩行者會
中先覩前後講大經十遍制義記十二卷誠感
之事此類固多今略而不載受業比丘大初付
以香鑪談柄知其意有歸深於吾道者則有尋
陽正覺會稽神秀亦猶儒氏之有游夏荀孟雋

賢議德其造形之異乎至大曆十三年十一月
七日沙門惠覺夢巨塔橫仆陷地二級無何如
吾師示疾顧門人曰死生者衆人之桎梏至人
之作用昔尼父逍遙曳杖發太山之歌蓋欲顯
本知終示動歸靜吾雖不敏幸異夫流遁不返
者乎言已奄然與物而化春秋六十一惠命三
十二以其年某月日甲乙建塔于某處終終之
義也噫素旌晨出異昔經行衆籟啾啾以風號
細雨茫茫而天泣世流有逝法流何逝而常清

世土自騫法山何騫而常存吾知夫一貫而何
言時邦城肅公得離性之文代予為銘刻石松
門辭曰銘無本

贈李舍人使君書

自湖上一辭十有餘載公貴為方伯書跡在空
林出處殊踈音塵不接蓋理然也書從辭後自
謂年多志固名踈道親唯慕空門若有所詣然
未曾遇知己一知常戲為一章自詠曰樂落禪
心似蕩吾道不相妨獨悟歌還笑誰言老更狂

昔謝太傅每賞支公喜標宗要若九方堙之相
馬略其玄黃而取其駿逸晝今日於公即道林
逢太傅之秋也又晝於文章理心之外或有所
作意在適情性樂雲泉亦何能苦健羨於其間
哉頃者目疾相嬰濛濛如隔煙霧患脚氣行李
不迨昨承至止病中不獲躬詣門闌披叙離闊
形礙神往有所恨也謹狀兼簡雜文晝性野思
拙機淺忽若偶中風律終期匠者賞鑒不遺幸
甚釋晝白

贈包中丞書

改年伏惟永感罔極書之理心本在忘情及經節序惘然悲愴去歲馬三往已奉狀計上達孟春猶寒伏惟中丞尊體萬福即此書蒙一昨見扶起離披菊一章使書却顧鄙拙盡欲焚燒凝思三復彌得精旨中丞寄重任大堆按日盈而言詩至此豈非凝心悉到耶今海內詩人以中丞為龍門賢與不肖雷同願登仰測中丞之為心固進善而拒不工也書無西施之容不合輒

議西施之美然心之服矣其敢蔽諸今之馳䟽實有所薦有會稽沙門靈徹年三十有六知其有文十餘年而未識之此則聞於故秘書郎嚴維隨州劉使君長卿前後殿中皇甫侍御嘗常所稱耳及上人自浙右來湖上見存并示製作觀其風裁味其情致不下古手不傍古人則向之嚴劉皇甫所許疇今所覲則三君之言猶未盡上人之美矣讚其道邊古墳詩則有 松樹有死枝塚上唯莓苔石門無人入古木花不開

蒼范降書作則有綠竹歲寒在故人衰老多雲
門雪夜則有天寒猛虎叫巖雪松下無人空
有月千年像教人不聞燒香獨為鬼神說石
帆山作則有月色靜中見泉聲深處聞題
李尊師堂則有古觀茅山下諸峯欲曙時真人
是黃子玉堂生紫芝題曹溪能大師熒山居
則有禪門至六祖衣鉢無人得登天姥峯望
天台山作則有天台衆山外歲晚當寒空有時
半不見崔嵬在雲中傷古墓作則有古墓

碑表折荒壠松栢稀福建還登梨嶺望越中
作則有秋深知氣正家近覺山寒九日則
有山僧不記重陽日因見茱萸憶去年宿
延平懷古則有今非古獄下莫向斗邊看
又有歸湖南詩則有山邊水邊待月明暫向
人間借路行如今還向山邊去唯有湖水無行
路此僧諸作皆妙獨此一篇使老僧見欲棄筆
硯伏惟中丞高鑒弘量其進諸乎其捨諸乎方
今天下有故大賢勤王輒以非急于請視聽亦

昭愚老不遠時也然上人秉心立節不可多得
其道行空惠無慙安遠嘗著律宗引源二十一
卷為緇流所歸至於玄言道理應接靡滯風月
之間亦足以助君子高興也書疾弊未期奉展
伏深瞻望近應府公三五首謹憑澈上人呈上
年暮思蹇多慮迷錯所希宗匠一為指瑕幸甚
書白

谷權從事德輿書

權三從事足下傳吏至尊書謬蒙發揚殊增悚

忽觀其立言典麗文明意精實耳目所未接也
幸甚幸甚貧道墮名之人萬慮都盡強留詩道
以樂性情蓋由瞥起餘塵未泯豈有健美於其
間哉初貧道聞足下盛名未覩製述因問越僧
靈澈居古豆盧次方食曰楊馬崔蔡之流貧道
以二子之言心期足下日已久矣但未識長卿
子雲之面所恨耳先輩作者故李員外遐叔故
皇甫補闕茂正故嚴秘書正文故房吳縣元警
故閻評事士和故朱拾遺長通故處士韋此數

子疇昔為林下之遊遐叔當時極許貧道四十
韻之作其略曰中霄發耳目形靜神不役色天
夜清迥花漏明滴瀝東風吹杉梧幽月到石壁
此中一悟心可與千載敵又曰不然作山計改
服乘下澤君隳元亮冠我脫潛師屐各倚高松
根共逃金閨籍又能秀二祖義門讚其略曰二
公之心如月如日四方無雲當空而出遐叔因
此相重元警著道交論比於高雲獨鶴意謂關
於詩而不關於事貧道亦無推焉今再遇足下

見知則東山遺民時免擗琴絕絃於知己矣靈
澈上人足下素識其文章挺拔瓌竒自齊梁已
來詩僧未見其偶但此子跡冥累遣心無營營
雖然至於月下風前猶未廢是公遠之友豆盧
次方才識超邁所得經竒飄飄然有凌雲之氣
而不輕浮此乃山僧惠眼見亦嘗與論物理極
天人之際言至簡正意不虛誕足下精鑒豈無
此子乎在於貧道不得不言耳承索弊文見已
繕寫問元二十一判官木夾中緘封甚難以此

未及寄上彼來使無限請近作三五章至至之言旁通我法佇以適山情助禪教耳幸甚十二月二十日皎然白

報應傳序

語曰死生有命富貴在天蓋垂教之意也或曰盜跖日殺不辜而終天年顏回積仁累行而不幸短命天之報施是耶此皆本於天也今請以釋氏論之夫生生之理固有不關於業則報施有歸報施有歸則因果不爽因果不爽則空見

不生有去來三世之殊故巨細必顯有染淨二心之別故涇渭既分性自我能命自我有豈神授而天與乎涅槃經云無有自作他人受果豈怨天尤聖乎知遍計有如龜毛兔角決定無也依他緣生非自然也圓成寶性體則妙有相乃真空具一切怕沙功德不周靈空無為而無用也右若沙門法海字文允俗姓張氏朱方人也圓入一性學階空王擅當代獨悟之名剖先賢不決之義一時學外儒釋該通六書究其源流

三易窮於變化嘗謂予曰佛法一門獨開心地
皆推輪也於戲天造溟滓惑網高張非大圓真
詮曷能示明明之業俾群生知正脩之路哉日
者象季之數吾道陵夷朋溺妄空謂無因果公
乃救將施式紙之教哀弱喪之子其報應昭驗
見聞可憑者因採而託之編為三卷鱗羽有性
之類亦皆附焉以為動物尚爾而况於人乎况
於鬼神乎下以軌正於邪宗上以裨益於真理
若佛日未墜于地庶幾將有證焉

強居士傳

人生性靜而遷乎可欲可欲萌乎憂喜憂喜者
病之原也故至人觀其性見萬物之真觀其動
見萬物之過客有強君隱山之傳也理昭溷俗
寄於和扁之伎而時人無能知者予嘗問君以
上鑿之術君對曰夫妙有統於心而通於理其
靜為性其照為覺覺也者日月之謂乎性也者
太虛之謂乎故理世為儒可以敷五典理性為
釋可以越四流理病為醫可以空六腑使定命

可道業疾可亡而世教罕能迨之故醫王未悉
辨也予曰至哉斯言命小子志之

座右偈

水月無根緣生則有莫辨其端莫窺其後以有
為瑕以無為垢不廢不立誰觸誰受寂念淵玄
紛然何咎

杼山集卷第九

杼山集卷第十

吳興釋皎然清晝撰

四言講德聯句潘述湯衡釋晝

先王設位以正邦國建立大官封植有德述二
南敷化四岳述職其言不朽其儀不忒衡暨于
羸劉乃創程式罷侯置守剖竹分域晝赫矣皇
唐康哉立極精選藩翰庸資正直述爰命我公
東土作則克已恭儉疲人休息衡濟濟問開油
油黍稷既富既教足兵足食晝恤其凋瘵翦其

荆棘威懷逋叛撲滅螫賊述疾惡如讎聞善不
惑哀矜鰥寡旌禮儒墨衡乃脩堤防乃濬溝洫
以利通商以漑嘉穀晝徵賦以節計功以時人
昏懷惠吏不能欺述我政載乎我邦載綏猛獸
不暴嘉魚維滋衡肅恭明神齋沐不虧歲或驕
陽雨無憊期晝帝嘉有庸寵命來斯紫紱載綏
金章陸離述資忠履孝閱禮敦詩明德惟馨自
天祐之衡

四言講古文聯句

潘述 裴濟
釋晝 湯衡

帝出于震文明始敷述山岳降氣龜龍負圖濟
爰有書契乃立典謨晝先知孔聖飛步大衢衡
漢承秦弊尊儒尚學述百氏六經九流七略濟
屈宋接武班馬繼作晝或頌燕然或贊麟閣衡
降及三祖始變二雅述仲宣閑和公幹蕭灑晝
士衡安仁不史不野晝左張精粵嵇阮高寡衡
暨于江表其文鬱興衡綺麗爭發繁無則懲述
詞曄春華思清冬冰述景純跌宕遊仙獨步衡
青雲其情白璧其句衡靈運山水實多竒趣述

遠派孤峯龍騰鳳翥述陶令田園匠意真直畫
春柳寒松不凋不飭畫江淹雜體方見才力衡
擬之信工似而不通衡鮑昭從軍主意危苦述
氣勝其詞雅愧于古述隱侯似病創制規矩畫
時見琳琅惜哉榛苦畫謝眺秀發詞理翩翩衡
孤標爽邁深造精研衡惠休翰林別白離堅述
有會必愜無慙曩賢述吳均頗勁失於典裁畫
竟乏波瀾徒工邊塞畫彼柳吳興高視時輩衡
汀洲一篇風流寡對衡何遜清切所得必新述

緣情既密象物又真述江惣徵正未越常倫畫
時合夙興或無淄磷畫二杜繁俗三劉瑣碎衡
陳徐之流陰張之輩衡伊數公者閩域之外述
吁此以還有固自鄙述

五言項王古祠聯句

潘述
湯衡

釋畫

遺廟風塵積荒途歲月侵述英靈今寂寞容衡
尚森沉畫霸楚志何在平秦功亦深衡諸侯歸
復背青史古將今述星聚分已定天亡力豈任
畫米繁如可薦舉酒瀝空林衡

五言還丹可成詩聯句

羽化自仙骨延年資養生畫金經啓靈秘玉液
流至精述八石思共鍊九丹知可成衡吾心苟
無妄神理期合并畫封竈用六一置門考休京
述浮光含日彩圓質煥雲英衡持此保壽命服
之願性情畫跋予望仙侶高詠昇天行述鶴駕
方可致霓裳定將迎衡不因五色藥安著七真
名畫揮妙在微密全功知感誠述與君弃城市
携手遊蓬瀛衡

五言建元寺畫公與崔秀才見過聯

句與鄭奉禮說同作

人閑宜歲晚道者訪幽期獨與寒山別行當暮

雪時

皇甫曾

栢臺辭漢主竹寺寄潛師荷策知君

待開門笑我遲畫暮堦縣雨足寒吹繞松枝理

辨塵心妄經分梵字疑鄭久承黃紙詔曾賦碧

雲詩然諾驚相許風流話所思崔子筌忘心已

默磬發夜何期願結求羊侶名山從所之曾

五言建元寺皇甫侍御院寄李員外

縱聯句一首

寄隱霜臺客相思粉署人子向奉誠知阡陌近

無柰別離頻曾奉夜色迷雙樹鐘聲警四隣說

才崔秀散才徒仰鮑歸夢遠知秦上台兩帶青笳發

花驚夕漏春晝超超隨步錫髣髴聰行輪子向

御要路推高足空林寄一身曾奉盛名知獨擅

良會憶相親說奉稍滌心中垢都遺陌上塵

子向奉今霜此堂集何事少遺民晝

五言冬日建安寺西院喜晝公自吳

興至聯句一首

宗系傳康樂精脩學遠公祠部郎中兼相尋當

暮歲行李犯寒風駕部員外李縱積浮生裏機慙半

偈中前太常寺奉禮部鄭說傳家知業墜繼祖忝聲同晝

雲與輕帆至山將本寺空崔子向來忘起滅留

我宿花宮前吏部郎中兼梧州刺史齊翔

五言建安寺西院喜王郎中講恩命

初至聯句時即中正入西方道場

跡就空門退官從晝省遷住持良有願朝謁兀

無緣遘身淨金繩內心馳玉宸前畫榮添一兩
日思降九霄年翔慕法能輕冕追非欲佩弦縱
棲閑那可久鴛鴦待行聯向子

五言建安寺夜會對雨懷皇甫侍御

曾聯句

相思非是遠風雨遣情多畫願欲披雲見難堪
候曉過縱夜長同歲月地近極山河說戒相初
傳授文章舊切磋遘時稱洛下詠人許郢中歌
向子惆悵徒延首其如一水何瑀

五言泛長城東溪暝宿崇光寺寄處

士陸羽聯句

箬水青似箬玉山碧於玉向子逼霄沓萬狀截地
分千曲畫萍解深可窺林豁遙在矚向子已高物
外賞稍滌區中欲畫野鶴翔又飛世人羈且跼
向子沉吟跡所悞放浪心自足畫緬懷虛舟客願
寄生翦束向子說詩整頽波立義激浮俗畫荆吳
備登歷風土隨編錄向子恨與清景別擬教長路
促畫溪鳥語鸝嘯寺花翻躑躅向子印圍水壇淨

香護蓮衣觸晝捧經啓紗燈收衽禮金粟向安
得扣關子玄言對吾屬晝

五言與崔子向泛舟自招橋經箬里
宿天居寺憶李侍御夢渚山春遊後
期不及聯一十六韻以寄之

晴日春態深寄遊恣所適晝寧妨花木亂轉學
心耳寂向取性憐鶴高謀開任山僻晝倚絃息
空曲捨屨行淺磧向渚箬入里逢野梅到村摘
晝碑殘飛雉嶺井駸潛龍宅即陳帝向壞寺隣壽

陵古壇觸劫石晝穿堦筍節露拂瓦松梢碧向
天界細雲還墻陰雜英積晝懸燈繼前焰遙月
昇圓魄向何意清夜期坐爲高峯隔晝茗園可
交袂藤澗好停錫向微雨聽濕中迸流從點席
晝戲猿隔枝透驚鹿逢人躑向覩物賞已竒感
時思彌極晝芳菲如馳箭望望共君惜向

五言渚山春暮會顧丞茗舍聯句効

小庾體

誰是惜暮人相携送春日因君過茗舍留客開

蘭室

陸士脩

濕苔滑行屐柔草低藉瑟鵲喜語成

雙花狂落非一向崔子煙濃山焙動泉破水春疾

莫拘挂瓢枝會移閤書帙畫頗容樵與隱豈聞

禪兼律欄竹不求踈網藤從更密池添逸少

墨園雜莊生漆景晏枕猶歌酒醒頭懶擲向雲

教淡機慮地可遺名實應待御薜青幽期踏芳

出畫

七言與李司直令從荻塘聯句一首

畫舸悠悠荻塘路真僧與我相隨去寒花似菊

不知名霜葉如楓是何樹李令倦客經秋夜共

歸情多語盡明相顧遙城候騎來仍少傍嶺哀

猿發無數畫心閑清淨問禪寂興逸縱橫問章

句虫聲切切草間悲螢影紛紛月前度從撩亂

雲峯好賦詩嬋娟水月堪為喻與君出處本不

同從此還依舊山住畫

三言擬五雜組聯句八首

五雜俎盤上蕘徃復還頭懶梳不得已嘗裏魚

李五雜俎郊外蕪徃復還櫪上駒不得已谷中

愚明五雜俎繡與錦往復還與又寢不得已

病伏枕顏真卿五雜俎星與辰往復還有情人不

得已客傷春晝五雜俎酒與肉往復還東籬菊

不得已醉便宿駭五雜俎闌闐間往復還門上

關不得已髻毛斑陸士脩五雜俎繡紋線往復還

春來燕不得已入征戰蔣至

三言重擬五雜俎聯句四首

五雜俎四豪客往復還阡與陌不得已長沙謫

鷹五雜俎五辛盤往復還馬上鞍不得已左降

官夢五雜俎甘醎醋往復還烏與兔不得已韶

光度真卿五雜俎五色絲往復還回文詩不得已

失嘉期晝

三言重擬五雜俎

五雜俎篋中線往復還雙飛鷺不得已長門怨

晝

五言月夜啜茶聯句一首

泛夜邊坐客代飲引情言陸士脩醒酒宜華席留

僧想獨園張不須攀月桂何暇樹庭萱李御史

秋風動尚書北斗尊崔萬流華淨肌骨疏淪清
心源真不似春醪醉何辭綠菽繁晝素瓷傳靜
夜芳氣滿閑軒高

五言夜宴詠燈聯句一首

桂酒牽詩興蘭缸照客情脩詎慙珠乘朗不讓
月輪明廡破暗光初白浮雲色轉清真帶花疑
在樹比燎欲分庭晝頽已慙微照開簾識近汀
高

三言喜皇甫侍御見過南樓翫月聯

句一首

喜嘉客闢前軒天月淨水雲昏真鴈聲苦蟾影
寒聞衰灑滴檀欒陸歡宴處江湖闊皇甫卷翠
幕吟佳句恨清光留不住李高駕動清角催惜
歸華重徘徊晝露欲晞客將醉猶宛轉照深意

陸士
脩

七言重聯句一首

須持憲簡推高步獨占詩流橫素波不是中情
深意好誰能千里遠經過真詩書宛似陪康樂

少長還同宴永和夜酌此時看振玉晨趨幾日
重鳴珂曾萬井更深空寂寞千方霧起隱差我
熒熒遠火分漁浦歷歷寒枝露烏窠夢漢朝舊
學君公隱魯國今從弟子科只自傾心慙嚔嚔
何曾將口恨蹉跎羽獨賞謝吟山照耀共知殷
歎樹婆娑華轂苦嫌雲露隔網衣長向雪峯何
畫

五言送李侍御聯句一首

吾友駐行輪遲遲惜上春真東西出餞路惆悵

獨歸人晝歡會期他日驅馳恨此身薦須知貴
公望從此願相因夢

五言翫月重送聯句一首

春溪與岸平初月出溪明薦壁彩寒仍潔金波
夜轉清夢孤光遠近滿練色往來輕真望望隨
蘭棹依依出柳城畫

五言重送橫飛聯句一首

春田草未齊春水滿長溪夢上十
出餞風初暖
攀光日漸西真歸期江上遠別思月中迷畫

七言大言聯句

高歌閬風步瀛洲畫 燁鵬淪鯤滄未休真 四方
上下無外頭夢 一啜頓涸滄溟流薦

七言小言聯句

長路遙遙蚕吐絲真 焦螟蛟睫察難知畫

七言樂語聯句一首

苦河既濟真僧喜夢 新知滿座笑相視真 戎客
歸來見妻子畫 學生放假偷向市薦

七言曉語聯句一首

拈髓舐指不知休夢 欲灸侍立涎交流真 過屠
大嚼豈知羞畫 食店門外強淹留薦

七言滑語聯句一首

雨裏下山踏榆皮真 卿莓苔石橋步難移畫 燕
羨醬醋喫煮葵白 縫靴膈線油塗錐夢 急逢龍
背須且騎益

七言醉語聯句一首

逢糟遇麴便酩酊白 覆車墜馬皆不醒真 倒着
接羅髮垂頰畫

七言遠意聯句

家在炎洲往朔方疾豈知于闐望瀟湘澄曾經
隴底復遼陽非更憶東去採扶桑晝查客三千
路未央伯燭龍之地日無光疾將遊莽蒼窮大
荒晝車轍馬足逐周王均

七言暗思聯句

斜風飄雨三十夜疾隣女餘光不相借非跡滅
塵生古人晝晝洞房重扉無隙罅均燭滅更深
月西謝從
心

七言樂意聯句一首

良朋益友自遠來均萬里鄉書對酒開晝子孫
蔓衍負奇才疾承顏弄鳥詠南陔澄鼓腹擊壤
歌康哉非

七言恨意聯句

同心同縣不相見疾獨采靡蕪詠團扇均莫聽
東隣擣霜練晝遠憶征人淚如霰澄長信空階
荒草遍從明妃初別昭陽殿杭

六言秋日盧郎中使君幼平泛舟聯

句一首

共載清秋客舫同瞻皂蓋朝天盧悔使比來相

得如今欲別潛然平漸驚徒馭分散愁望雲山

接連晝魏闕馳心心日日吳城揮手年年陸送遠

已傷飛鴈裁詩更切嘶蟬潘空懷鄆杜心醉永

望門攔脰怕李別思無窮無限還如秋水秋煙

鄭述

七言重聯句一首

相將惜別且遲遲未到新豐豈欲醉時平去郡獨

携程氏酒入朝可忘習家池羽仍憐故吏依依

戀自有清光處處隨述晚景南徐何處宿秋風

北固不堪辭晝吳中詩酒饒佳興秦地關山引

夢思藻對酒已傷嘶馬去銜恩只待掃門期惇

五言與潘述集湯衡宅懷李司直縱

聯句

幽獨何以慰友人顧茅茨衡已忘歲月念載說

清閑時述旭日舒朱槿柔風引綠菴晝迢迢青

溪路耿耿芳樹枝衡執社空躑躅來城自逶迤

述相思寄採掇景晏獨駢馳畫

三言安吉崔明府山院聯句一首

人不擾政已和世慮寡山情多畫禪客至墨卿
過興既洽情如何

四言重聯一首

肅肅清院脩脩碧鮮已見心遠何關地偏畫自
公退食升堂草玄紛紛已隔雲心澹然達

五言重聯句一首

瀑溜聞窓外晴風逼座間挂冠徒有意芳桂香

難攀達

六言重聯句一首

清高素非宦侶踈散從來道流今日還輕墨綬
知君意在滄洲晝浮雲任從飄蕩寄隱也信沉
浮不似彰南地僻道安為我淹留達

七言重聯句一首

劉令興多常步履柴桑事少但援琴閑招法侶
從山寺每掇幽芳傍竹林晝卷簾只愛荆峯色
入座偏宜郢谷吟誰許近來輕印綬因君昨日

悟禪心達

五言秋日潘述自長城至雲上與晝
公湯評事遊集累日時司直李公瑕
往蘇州有阻良會因與二公聯句以
寄之

離念非前期秋風忽已至述
芸黃衆芳晚搖蕩
居人思晝白霜淒以積高梧颯而墜衡悠然越
山川復此恨離異述時景易遷謝歡難兼遂
晝惜分緩迴舟懷遙企歸駟衡休澣情自高來

思日云未述

五言喜晝公尋山迴相遇聯句一首
幾年無此會今日喜相從述後夏仍多病前書
達幾封晝水華迎暮雨松吹引踈鍾晝出谷隨
初月尋僧說五峯述

五言道觀中和潘丞觀青溪圖聯句
晝得青溪樣宜於紫府觀晝日明烟靄薄風落
水容寬萬晝野高低接商工井邑攢述疏川因
稼穡出使問艱難晝

五言春日對雨聯句一首

春煙帶微雨漠漠連城邑桐葉生微陰桃花更
宜濕張蕭條暗楊柳散漫下原隰歸路不我從
遙心空佇立畫林低山影近岸轉水流急芳草
自堪遊白雲如可揖章尋山禪客意苦雨陶公
什遊衍情未終歸飛暮相及晝峯高日色轉渾
淨天光入却欲學神仙空思謝朋執章為道貴
逍遙趨時多苦集瓊英若可食青紫徒勞拾畫

五言春日會韓武康章後亭聯句

後園堪寄賞日日對春風客位繁陰下公墻細
柳中畫坐看青嶂遠心與白雲同韓林暗花煙
入池深遠水通楊井桃新長藥欄藥未成叢秦
仲文松竹宜禪客山泉入謝公畫砌香翻芍藥
簷靜倚梧桐章外慮隨簾卷忘情與道空秦楚
僧招惠遠蜀客挹楊雄文便寄柴桑隱何勞訪
剡東畫

五言送晝公聯句

相逢情不厭惜別意難為章吾道應無住前期

未可知 晝輕霜凋古木 寒水縮荒陂 章賓鴈依
沙嶼 浮雲慘路歧 晝林踈者野 迥岸轉覺山移
章寄賞驚搖落 歸心歎別離 晝草堂思偃蹇 塵
尾去相隨 况顧勿謂光音遠 禪房會一窺

五言康錄事宅送僧聯句

蓮衣宜着雨 竹錫好隨雲 晝見鶴還應 養逢鷗

自作群崔子向

五言與邢端公李台題庭石聯句

共題詩句遍 爭坐蘚文稀 晝

五言奉同顏使君夜集聯句

寒花護月色 墜葉占風音

四言與昂上人兩字繼合四句初字

日

有一鳥雛凌寒獨宿 若逢雲雨兩兩相逐

次日

野外有一人獨立 無四隣 彼見是我身 我見是
彼身

杼山集卷第十

杼山集卷第十